



嘉興府志

ル 5
1574
4



嘉興府志卷六

嘉興府知府善化許瑤光重輯

公署

署之名初見國語然孟文子曰臣立先臣之署則私而非公也史記有宦署之目至後漢而內署中署左署七署三署郎署寺署粉署之名著究亦京師而非郡縣也郡縣之有署蓋自秦設郡縣始史闕失載耳夫廳者聽也聽民事也廳者誰也誰和教化也署者位之表也說文云部署有所罔屬也徐鍇謂羅絡之若罔大官大邑身之所庇受其庇盡其職若網在綱有條不紊庶幾



無愧其位志公署

嘉興府

府治 路總管府衙在子城內舊府治也

至元志

府治在城

南門內自五代晉天福時陞嘉興為秀州始建于此宋

改為郡為府為軍府元改為安撫司為路皆仍其處吳

元年改路為府府衙墻周圍二里一十步高一丈二尺

舊稱子墻

柳志案府治自五代歷宋元明千有餘年未嘗徙建治為最古時代既遠今昔異制其

與前志互異者附次于下

中為大堂顏曰忠愛

案至元志舊名同穎宋守俞浙改修齊袁

志改端本後改帥

前覆崇軒

柳志云軒五間

堂之東北隅為軍

資庫

趙圖記云廳東北為府庫

西北隅為架閣庫

柳志云軍資庫四間在府廳東北推

官廳後架閣庫十間在軍資庫東

堂東為鄴侯祠祠南為供招科堂之

西為庫房南為批值科

趙圖記云並廳而左為軍資庫為經歷司北為架閣庫並廳

而右為儀仗庫為照磨所所北為茶房伊志案軍資架閣二庫移徙堂隅儀仗庫久廢經歷司移置儀門外西

照磨所移 供招科南為東廊列吏戶禮三科及承發房

批值科南為西廊列兵刑工三科

柳志云兩廊東西大

六房列置其內趙圖記云夾臺左右為東西吏廊袁志云兩廡左列吏戶禮三科南承發房右列兵刑工三

科科北號房伊志號房

大堂前為露臺

趙圖記云堂之

前為露臺臺南

為戒石亭袁志云堂下為甬道

伊志甬道兩旁梅花

丹墀為甬道中立戒石亭數十本雍正間知府

閻堯熙所植乾隆二年知府姚淮梅花廳事記略曰雍

正甲寅余自雅州來守嘉興至之日見甬道夾列梅樹

詢之迺今湖北觀察山西夏縣閻公前守斯地時所手

植也嘉為浙西劇郡號稱澤國余既承乏閻公之後樂

是邦之政簡刑清而又覩斯梅之槎枿奇崛縱橫參錯于廊堦廳事間顧而樂之遂不禁愛之護之培植之蘊崇之蓋余之顧惜此梅也其亦南為儀門左右各有翼與甘棠之勿翦伐者同其意歟

室柳志云儀門三間儀門外東為延賓館即鄭太守瑄

祠顏曰永瞻儀門外西為土地祠又北為經歷司署趙圖

記謂府門內左為土地祠為理刑廳右為督儲館折而西出便門又折而南為馬道馬道之左為同知推官宅

右為通判宅者三而經歷照磨知事檢校亦參互居之伊志案土地祠移建儀門之西督儲推官知事檢校各

官皆裁同知通判皆移駐唯經歷署在馬由儀門百步

道之西袁志府門之內舊有樓三亭七

至大門伊志故老相傳甃磚數仞如城墻式建為譙樓

案柳志譙樓在儀門前計七間袁志府門上有譙樓設鐘鼓鄒志補明宣德間知府齊政奉元帝像居樓正間

詳見署勝曰嘉興府鄒志云吳元年復更府大門外為

中古蹟勝曰嘉興府鄒志云吳元年復更府大門外為

勝廊趙圖記謂府門南出廊外毬場東申明亭西旌善

亭袁志云場東西兩廡分列快皂房原註即古申明旌善

二申明亭北為三相祠至元志云譙樓外有宋門之南

建木坊顏曰首藩名郡其下為屏門袁志云舊為照牆

勉改左右列木柵東西繚以石欄欄左右各樹木坊左

曰承宣右曰撫字譙樓東高阜為文昌閣案柳志譙樓

三間鄒志補左右梁樓左設銅壺滴漏以支更右設五

顯神像以護庫伊志左右梁樓俱廢建文昌閣于東梁

樓遺趙圖記云軒其後為宅門門內為

二堂顏曰無倦案至元志敬信節愛之堂在郡治公二

堂東西翼室堂之西為樂賢堂賓客觴詠之所又西為

嘉蔭軒公餘吟詠之所軒北為竹南蕉北之間軒之西為正志亭二堂後為內宅東西翼室宅後樓五楹額曰遠耀署西北多隙地東北隅有土地祠乾隆年間知府

張鎮建

歷代修建 宋景定四年癸亥知軍陳垾葺譙樓左右

梁樓府門 柳志 元大德三年己亥達魯花赤撒刺兒總管

辛仲實重修總管府 元金吾重修嘉興路總管府記嘉興澤國也左杭右蘇負海控江土

膏沃饒風俗淳秀生齒蕃而貨財阜為湖右最至元丙子春天戈南下民不改聚市不易肆聖朝福是邦也宏矣深仁厚澤涵濡至今民居增聲尤盛於昔獨郡宇歲月滋久風雨交蠹東傾西圯上漏旁穿前乎牧守視猶傳舍大德戊戌大中大夫達魯花赤撒刺兒字仲實中憲大夫總管辛公仲實字仲和接踵而至公餘相與言

曰府治久弊殊失具瞻欲鼎新之而力未逮捐已俸以率先則必有好事者以輔吾志諗諸寅幕僉議允合邦之名公達宦富家大室聞者莫不鼓舞欣躍樂為郡助爭趨而來惟恐殿後甲者曰某修某處乙者曰某建某所願傾資市材者有之願輸粟向工者有之至於釋氏之徒亦願施力曾無靳色是皆出於自然而非使然也由是百工具興斲者削者鋸者鑿者塗丹牖者咸精其能經始於己亥仲夏之朔落成於仲秋之望自麗譙而儀門由公廳而燕室徹裏無巨無細靡不輪奐翬飛藻繪彪炳偉哉若茲盛美前所未聞後所創見邦之士若民咸願勒石以垂不朽而求記於余余謂天下事創始易起廢難起廢非難辦於不擾者為難矧此舉非細故也官不廢財民不知役不日而成向非有大力量大謀猷疇克爾彼如亭數椽於道旁為行者休息梁一木於水濱為涉者往來猶且書其名旌其善傳之悠永况堂堂大藩數百餘年之猶且置建百十萬戶之所瞻依一旦興廢補弊振後光前舖版太平官府詎容不大書特書以侈其傳雖然豈特土木之工而已哉凡郡之弊政民之汙俗悉作而新之尤可嘉後至元五年己卯總管法已於是乎記是歲仲秋既望

忽魯丁重修

元韓輿重修嘉興路總管府治記凡物久

完則益弊矣故大而禮樂制度小而日用供具舉莫不
然況於郡府廳事為吾民具瞻之地者哉樵李為西荆
鉅州郡治竣整著自昔前政嗣之葺弗完堅貌若綵
緻中實摧侈至元五年後已卯夏四月兆庭法忽魯丁
嘉議公繇海漕萬夫長三轉而守茲郡修舉庶政得民
懽心暇日率僚案議曰郡有治豈止為守理所而已哉
禮之大者惟元正之節天壽之旦有司駿奔服采具如
式設帷帟嚴兵衛樂舞在庭庶官星列緇黃耆氓更班
迭贊凡吾屬東帶端笏願立北向獻享興頽載舞載蹈
以達吾瞻天望聖之忱敬者端在于是乃今楹宇簡陋
弗稱具瞻使吾不有以起廢焉繼自今震凌益加墮圯
益甚不足壯觀而永厥成其何以臨民哉即諭于眾
疇能佐吾理者合既下得郡之富埒一鄉者九姓乃啟
帑庀工謹然趨事鋸者削者塲者發者工設色者哲巧
讐能罔敢愉惰自儀門兩廡承宣廳舍堂曰公明樓曰
環星越麗譙以南二亭屹峙宣詔在右頽春任左以至
宵直有廬禮仗有舍禁馬有軒登騎有石率易其垢腐
翼然以新渥丹深碧藻繪彰施毫倪聳觀嘖嘖興嘆棟

宇之隆於斯為盛時余以事至郡屬余記余曰郡治起
廢非說以使民者不能是事至郡屬余記余曰郡治起
嚴以勅法循以恤民豪強有憚已賦調繁蒙他戶而庇
其私者則黜而抑之耗乏不能給役者則核而復之推
酷毒民蕩產者眾則逐之易而完之雲水僧有侵漁其
抗弗律者則杖而逐之民有舊躬臺隸怙疆而陰持者
則戢而刑之若迂官有廳則恢宏之橋堍西麗則增構
之水馬三驛埃弱弗涓則拓而大之類宮堂庶庠隘弗
崇則撤而嚴飾之一時同寅幕府之士又皆協恭畢力
故能興起於治若此是又可知也繇茲政成使邦人咏
歌之則公之德之美焉
洪武中知府劉觀重建
柳宏治初

知府柳琰重建府門申明旌善二亭嘉靖丁未知府趙

瀛重建府庫軍資架閣二庫經歷照磨二司嘉靖戊申

趙瀛重建譙樓
趙圖
嘉靖三十二年知府畢竟容劉毅

重修吏廨
明任希祖記略吏廨漸圯前有畢公鳩工聚
材功未就緒即拜督鎮紫荆之命辛亥歲萬

安劉公繼臨遂及前工之未竟癸丑夏四月告成昔之
東西對峙者舉易陽面凡四行行凡一十四間共五十
六間翼然為萬曆十二年知府龔勉重修府治改關照
堂廡左輔

牆為屏門榜曰首藩名郡明龔勉重修嘉興府治記略

也前必有堂其退而燕息也後必有堂以經於中而前後始
吏以議政也則中必有堂惟政見其規制也余始令嘉
相映帶蓋上法天象而下示民瞻乃定制也余始令嘉
之附城邑趨謁郡廷嘗進而議政見其規制也余始令嘉
堂後有軒覆以明瓦又其後有小廳事者二且卑陋而
前後不相續大弗稱其郡治心竊非之以為是在所當
更也越十有二載歲維萬曆辛巳余復叨守茲郡人其
堂猶故也遂思所以更之時令嘉者為內江張君問達
如有待更之宜亟遂鳩工聚材而董其役於典史劉洗
唐時化軒以內盡撤之而惟存其堂之最後者一中建
橫堂若干楹而使之前後相為映帶不越月而落成即
是歲之十有一月也既而左右翼以高垣兩庭各植修
竹清陰滿座而風至則鏘然玉鳴蓋不惟有廣大高明

之象而且日與君子羣矣郡門以內故有賓館館後宴
賓者曰嘉會堂湫隘弗爽安所稱嘉於是徹其中虛之
以為庭而更其制為堂三間軒敞明爽寔賓為宜門以
外屏牆立焉堪輿家以為非善乃去之建以石坊而匾
曰首藩名郡中通出入而闔關以門屹然壯觀而郡治
之規制於是乎大備是役也工料皆取足贖緩弗以煩
民其董之者為照磨黃仕龍而相繼告成則癸未冬甲
申春也夫卑宮室以崇儉聖訓也余為此舉無乃自侈
乎曰不然君子之臨民也規制弗備非所以新觀聽而
一心志也是又烏可以緩圖且有父老白余曰前坊故
有之而中堂亦舊制也坊燬於火始易以牆而前守有
惑於異說者乃更其堂制然則余之為此亦不過舉廢
墜以復其舊耳夫豈侈哉雖然此末也必廣其心高
明其識以德澤併幪一郡而使人人皆安其居樂其業
則臨民之責斯無媿矣余竊有志焉而萬曆二十七年
郡守劉應鈞重建吏廨又建約法堂內祀蕭相國為諸
吏議法之所志

國朝康熙元年知府張漢傑修府門外三坊袁康熙三十六

年知府黃家遴重修以清香堂舊址為道珍堂浙江通志

國朝朱彝尊道珍堂記康熙三十有五年冬太守廣甯黃公來知嘉興府事入郭則瓦礫塞乎渠及堂塗則榛莽接於徑爰與邦人士謀思營葺而疏濬之念民力未遑也明年夏案無留牘黠者畏懦者懷公乃庀材鳩工先治其解新樓堊鏤子來恐後於時彝尊方居長水之南池中英藁一花並蒂紅衣綻綠房垂縷螺實以公嘉績之所召也以奉公適諷是日立柱礎架案廂遂貽書請名其堂兼紀之石且歸德於微禎祥是致彝尊欲以不文辭非禮也敢竊伏自幸生於堯舜之世獲覩於焉歌詠太平燭於玉燭飲於醴泉太守以拊循閭鄙於曹植賦之則曰覽百卉之英暢於永風芙蕖雖小草而曹植賦之則曰考庶卉之珍麗實總茂無斯華之獨靈傅亮賦之則曰考庶卉之珍麗實總美于芙蓉而江淹之辭則又進焉而曰一為道珍二為世瑞至于並蒂則尤代所罕觀故魏收志靈徵令禽奇獸嘉穀靡不登載而斯獨無之益見致之匪易也稽之

至元嘉禾志郡治廳事後有清香堂宋知秀州俞漸更扁曰敬信節愛蓋理廳墟于城之內而軒其後為穿堂為後堂其來久矣堂之廢且百年鮮克有治之者迨公至而始考舊址復新之吁今之守土者屏賓客省諮度則見以為能矣公府之不飾則見以為廉矣雖然儒者之為政則有能焉居之必廣也泄之必莊也蕪者治之塞者通之廢者舉之道存焉矣堂之建詎足為公重而政事之暇豫多士庶民之胥附及僚屬吏之交孚於此覘公治術之先務焉宜其始建而珍果適應其瑞也堂可乎公曰可哉遂為文以紀落成是年黃家遴重建之歲月納之於壁用示後之君子

二堂川堂黃家遴重建二堂川堂記

禾道出山東值洪水泛濫川塗梗塞至冬十月始抵署受事見門廡堂構規模整然而廳事之北則有地數十武榛莽淒其幾同荒圃視蠶地之輒尚零亂有存者余心訝之夫國家設官置署各有攸司或為聽政之堂或為退食之室必無有閒房餘舍可聽其廢墜者願受事之初未暇謀此乃于丁丑夏捐俸重建之以四月上

嘉興府志 卷六 六 七

浣日始至秋八月望日而落成焉故例凡郡府有事必
 七邑舉相經營刺史但拱手觀成而已今惟嘉秀稍捐
 清橐其外五邑飲助工作以共成斯役爰乞竹垞朱太
 史文納壁以垂不朽焉自今案牘之餘焚香燕坐檢點
 平居要期上不負君下不負民中無負所學朝乾
 夕惕不敢稍自暇豫必無忝厥職而後安則斯堂之為
 功吏治詎淺鮮哉若徒為壯觀瞻之
 美具耳目之飾大非予建堂意矣 雍正六年知府閻
 堯熙復修乾隆四十八年知府恒甯重建移儀門外東
 隅土地祠於西隅五十年知府方林重修五十六年知
 府劉嘉會重修於譙樓東堦樓遺址添建文昌閣嘉慶
 元年知府伊湯安重修三年復建正志亭於西圃又重
 葺書室為嘉蔭軒 伊湯安嘉蔭軒記為園圃亭墅之勝
 壘石疏泉蒔花種竹皆可計日成也
 維樹為難得樹之嘉者經數百年之久極扶疎蒼鬱
 之觀則尤難禾郡署西偏有屋三楹兒子繼昌讀書其

中其庭院頗隘今年繼昌歸京師適當春夏之交余偶
 至其室見垣之外有巨梓森然高聳枝葉披拂簷端余
 大喜爰命匠人毀垣更築而遠之丈許納其樹于庭中
 翹然蔚然婆娑垂陰儼如偉丈夫之立吾前也簿書餘
 閒輒憩斯室鳥鳴其巔月映其下聽峴皖之好音觀柯
 條之如瀉余因感茲樹之植也始二百年物矣蒞茲郡
 者不知凡幾乃屏諸垣外無有顧而惜之者今也始展
 其扶疎蒼鬱之觀是可為此樹慶所遭而亦未始非此
 室之幸也遂名之曰嘉蔭軒雖然蔭誠嘉矣思有以莸
 其民者視此樹為何如耶居此軒愛其樹思所以莸其
 民吾願與後之君子道光四年知府羅尹孚修葺十五
 年知府瑞元重建遠耀樓十七年知府王壽昌即正志
 亭舊址改建虛受亭又於亭南北嚮建三楹院中植蕉
 梅桂竹花艸幽秀為公餘吟詠之所由樂賢堂對墻闢
 洞門朱欄曲折達虛受亭院門額曰得省十八年又修

頭門鼓樓于咸豐十年粵匪之亂悉改其舊肅清後就

加修整以為治前後七進進七間後四進各有樓前為

大堂為鄧侯祠三和祠土地祠為頭門同治初知府許

瑤光建復兩廊房舍又於二堂之西建書屋三楹堂東

建補梅軒軒之東築墻為圃培土為山題曰東瓶以與

瓶山相對也刻銘其上四圍盛栽花木為公餘燕息之

所其餘隙地尚未重建頭門前鼓樓亦被燬待修

海防督捕同知署 在乍浦東門內浙江通志府治馬道之左

舊為同知宅趙圖記康熙六年即推官宅改同知署康熙

五十七年同知移駐乍浦入郡時仍居之今廢吳志明兵

巡道行署基所謂大司也雍正二年設乍浦水師營游

擊黃天寅建游擊署七年游擊移駐南門外改為同知

署乍浦志乾隆三十九年同知舒希忠重修至四十二年

後任同知高模工竣伊志六十年同知盧又紳嘉慶十五

年同知劉星渠修葺咸豐末燬同治五年同知吳中傑

請就理事同知署基領款移建具詳有案

理事同知署 在乍浦東門內浙江通志海防署東明乍浦干

戶所基平湖張志康熙六十一年同知曹秉仁建雍正七年

設滿洲營改為理事同知署乍浦志乾隆四十年同知瑞

亨四十七年同知佛永嘉慶二年同知甯泰先後修治

伊志 威豐末燬現因駐防未復暫駐省城

督糧水利通判署 舊在府儀門內西偏宏治中知府柳

玟建 柳志案趙圖記府治儀門外馬道之右為通判宅者三袁志通判有督糧水利織造明季益以三

員分任

國朝康熙三年通判殷作霖重建 浙江通志 乾隆七年通判移駐

王江涇以前軍捕同知署為通判駐防署府西衙署圯

廢二十三年知府曾曰理修建王江涇通判署 伊志 威豐

末燬同治十年通判鄭彤書請就郡城靈光坊官地基

內領款移建

經歷司署 舊在郡治廳西偏 至元志 嘉靖丁未秋知府趙

瀛重建 趙圖記 乾隆三十五年經歷元兆良修五十八年

經歷鍾琪重修 伊志 嘉慶十六年經歷張颺二十三年經

歷陳從嘉先後修葺道光九年經歷李輝曾十八年劉

玉衡借廉重修 于志 威豐末燬同治五年經歷鄧壽仁在

郡治頭門外東偏領款重建

照磨所署 舊在郡治廳右雍正間移駐濮院鎮其署久

圯 伊志 嘉慶二十一年照磨謝廷鐸重建濮院照磨署道

光八年李治平十八年顧光照先後修葺 于志 威豐末燬

同治五年照磨周建封重建

司獄司署 舊在郡治南五十步 至元志 宋初置司寇一作

司戶參軍後改司理院柳志作明洪武元年十年誤知府呂

文燧即宋參軍舊解為之趙圖記乾隆三十七年司獄程

兆璠五十九年司獄陳宗禮嘉慶十六年司獄池文芳

道光三年司獄王重遠十八年張勤節先後修葺于咸志

豐末燬同治四年司獄陳裔德在於郡治頭門外西隅

領款重建

西水驛丞署 在府西三里通越門外官驛有馬驛水驛

至元志至正末燬于兵明洪武元年除授站提領為驛丞

公廨柳志明末燬

國朝康熙十一年知府王師夔重新之吳志嘉慶十六年驛丞

蔡觀瀾二十一年李初白先後修補于志今廢僦民房以

居

嘉興縣

縣治 在府治東北二百步浙江通志五代晉天福中升縣為

州即縣治為州治別建縣治於此宋元及明因之中為

大堂綴堂為軒堂東為三相祠又東為典史署堂西為

臧房又西為主簿署為縣丞署今移建並見後又西北為架閣

庫有堂額曰清源堂內後黃冊屋三間大堂前為月臺

為甬道中戒石亭後易為木坊甬道左為吏戶禮右為兵刑

工六房門外左為延賓館館東為土地祠為鄧侯祠又

捕役房右為獄南北二監又民壯房正南為譙樓上監

榜曰嘉興縣中為大門外為毬場左申明亭嘉興湯志云亭中有

知縣郭東嘉興湯志云洪武三年創申明亭

去思碑于城市鄉村凡有過之人里老揭

名亭內以懲其惡十六年增置旌善亭凡孝義節行可

稱者備錄以彰其善二亭並列異其高卑蓋旌別淑慝

之意云爾又左為皂役房側為河皂房右為快役房側為徭

快房中為照牆東西有木柵街之南更築高垣蔽之正

堂後為穿堂左簡房右庫房後為二堂為宅門門內中

為三堂左右為書齋折而東為嘉會堂碧梧軒顏曰聯

仲圭墨冊意雅取吳廊之北為花廳為書室曰拳石書屋

嶺南梁森識姑臧何誌題南為

前廳西為來鶴軒詳後公及檔房又西為關帝廟後為

賓幕齋又西為箭道中有射廳後為內宅庖漏悉備伊

歷代修建 明宣德八年縣丞傅霖重建公堂軒廳諸

屋柳志明魏驥嘉興縣修建記古者列國失政史必

之列國而司之者奚可於所治視之猶傳舍而漫不加

政哉既臻重惟邑治歷歲滋久欽仄傾圯惕然于衷謂

失今弗葺葺心積久益壞且無以昭等威肅民庶也亟欲

撤而新之尤慮僚友弗協即謀及之而僚友亦闕辭無

異乃首捐己俸為興作倡由是僚友及邑民之好義者

亦從而樂為之助若夫朝程夕督于木石諸費則惟時

始之明年某月屋以時計若干其宏敞嚴邃規制合度

則視昔有加誠不啻泰山巖巖之聿稱具瞻也然嘉興

實浙水西北邑要衝叢劇素號難理故官於是者恒以

關決徵辦為急其於官府之葺治不暇也久矣是役也

費不出於公力不勞於民一旦俾其堂室門廡輪焉與

事而無所憚用克底于有成抑非僚友之虛已讓能邑之奸義循理則時佐亦烏得畢志殫慮以致其效如斯哉是皆可書也茲同邑丞夏某以斯舉之善不可沒徵記於予予故樂為之書若時佐之於政於教而質於邑固有可稱者以無關宏治六年廳堂燬七年知縣黃澤於修建則略而不贅

再建

國朝康熙六年知縣金鏞改建凝芬亭為梅署亭七年闢屏

墻為門額曰浙西首邑十四年知縣梁冲霄重建譙樓

二十一年知縣何鉞重建延賓館修葺後堂浙江通志乾隆

二年知縣閻沛年修三十九年知縣梁森修四十六年

知縣金仁重修五十四年奉頒恭摹

御筆墨刻雞雛待飼圖懸於大堂

伊志各縣同

嘉慶二年知縣司能

任十八年知縣趙徽道光四年知縣王維埈先後重修

咸豐末燬同治六年知縣臧均之請款重建

縣丞署

舊在縣治大堂西偏

案門額曰督糧廳二門曰儲國裕民款縣程懋重修

康熙二十年李侗重建後圯歷任僦居民舍嘉興何志乾隆

三十二年縣丞李國楷請就道署舊基西偏改建新署

伊志道光十四年重修今廢暫駐王店鎮

主簿署

在縣治大堂之西康熙七年朱鼎重建

嘉興何志乾

隆四十四年主簿蕭文矩六十年主簿八十九道光十

一年主簿劉秩十八年主簿李琪先後重修咸豐末燬

同治九年主簿馬玉麟領款重建

典史署 在縣治大堂之東嘉興湯志康熙十年典史劉士俊

改建嘉興何志嘉慶十五年典史孔廣文二十年典史陳克

安二十四年典史王如瓌先後修葺道光十年重修成

豐末燬同治七年典史汪履吉領欵重建

秀水縣

縣治 在府子城西北一里浙江通志明宣德五年吏部員外

郎李亨相地於此建立公解廳宇柳志知縣趙忠始建其

制略如嘉興而無譙樓趙圖記舊宋仁壽寺址宣德四年

大理寺卿胡槩以嘉興地廣賦繁請析西北境為秀水

卜建今址邑門瀕市街湫甚嘉靖間知縣周顯宗移入

丈許秀水李志中為正堂堂側有秀水縣令題名碑記嘉靖壬辰長洲文徵明撰碑堂之

南綴以重軒堂東為三相祠右為庫房前為露臺為甬

道中為戒石亭今易木坊甬道下為丹墀墀左右為六

房吏廊左為吏戶禮及承發房右為兵刑工房南為儀門東西翼門左為

土地祠前延賓館中有彭祖觀井圖碑圖端題曰夫井險地也蔽輪繫

索倚杖俯童臨視可無虞矣而猶惴惴然不敢逼焉慎

之至也嗚呼險不必皆井也而有非井之井存能慎斯

術以往其或無所失乎歲癸巳濮陽姚材題案俞焜

桐葉偶書秀水縣署有彭祖觀井石刻未詳所始考徐

州圖經宋陳靖嘗作是圖為之銘序曰面井而覆之以

輪背樹而纜之以繩憑杖歛躬踟躕而迎視兢兢然若

將墜也嗚呼其臨事而懼之有若是檢身遠害之有若

是後之君子得毋效歟坡公為滕達道作奏曰俗言彭

祖觀井自繫大木之上以車輪覆井而後敢觀此言鄙

而切于事胡邦衡建炎中上奏高宗引坡此喻云願陛

下密戒諸將為持重如彭祖之觀井則社稷福也此圖蓋昉于徐坡公嘗為徐守見之耳右為獄東蕭王東側捕役房西側壯役房又南為大門門內東夾

道夾道北為縣丞署東為主簿署又北為丞衙今廢又

北為典史衙極北夾道通正衙西吏廊之北遶二庫外

為吏舍前為大門上豎榜曰秀水縣外毬場東西榜廊

南設屏牆又南跨河為縣前橋橋左為轎房河快房快

役房又翼房橋右為皂役房正堂後為川堂後為二堂

堂左為外門房右為號房舊為軍資庫架閣庫二堂後為三堂舊

公廉堂又聯曰保障繭絲媿奉職未優自矢冰懷縈秀水箕風畢雨念字民不易敢矜花事繼河陽乾隆己亥潘安前為川堂東折為花廳額曰又新堂乾隆乙亥智題已建膠西紀有堂題翼以

修廊前有照廳再前東為書廳後為賓幕齋書廳東為

內宅又東為愛日樓北側為厨竈三堂西側有廊為關

帝廟三堂後為觀我樓張圖南題後為園水木清華有二亭

一曰嘉禾一曰月波詳署中古蹟又瑞蓮池舊有橋亭康熙

二十年三韓于珽濬池葺亭嘉蓮表瑞時邑中紳士歌

詠成編伊志

歷代修建 明萬歷丁亥戊子間正衙圯敝後令皆居

公廉堂萬歷壬辰知縣李培仍就左方新之以公廉堂

為造冊所秀水李志

國朝康熙三年知縣王廷機葺堂署廊廡重門袁志十二年知

縣李見龍重修大門秀水任志雍正十二年知縣董懿修大

堂及廊舍乾隆十六年知縣曾克恭五十六年知縣戰

效曾重修嘉慶元年春大堂燬知縣姚鳴庭重建伊道志

光三年知縣劉炳然重修咸豐末燬同治八年知縣郭

恩觀請欵重建

縣丞署 在縣治大門內東夾道之北秀水李志嘉慶二十年

縣丞鄧必玉道光七年段懷忠十六年方銘正先後重

修今燬未建

主簿署 在丞衙東康熙七年主簿張光恩重修吳志雍正

間解宇漸圯官多差委未及時修僅存空基後皆僦居

民舍伊志

典史署 在主簿衙東北舊丞衙之北秀水李志康熙二年典

史井白瑞重建秀水任志乾隆三十五年典史鮑文烈四十

四年典史王彥林六十年典史陳士驗嘉慶十七年典

史謝永福二十四年典史曹佩蘭道光十三年典史陳

錫元先後重修咸豐末燬同治十年署典史儲鴻勳領

欵重建

嘉善縣

縣治 在府城東三十六里魏塘鎮浙江通志元吳氏廢址前

臨華亭塘後枕魏塘河嘉善楊志明大理卿胡槃度地定基

趙圖宣德五年知縣鄭時領印開設正統六年李遜繼

知縣事凡未修者漸加增設規制頗完柳志中為正堂前

綴以軒堂東為三相祠又東為承發科嘉善章志云舊

也其址下為月臺兩旁為皂隸房中為戒石亭兩翼為廊

東列吏戶禮房課程科糧房鹽法科西列兵刑工房南

為儀門門內左起徵科門右軍器庫嘉善章志云俱北

閣庫藏討庫儀門外左轎班房馬快房銀房右民壯房

土穀祠嘉善章志云祠西有延賓館又有又西為獄中

為譙樓上監榜曰嘉善縣嘉善章志云上下為治門左

右班房嘉善戈志云康熙二十二年嘉慶二年知縣萬

相賓新設治前牌坊二左曰嘉猷右曰善政正堂後為

燕堂左右為門皂值宿房堂後為宅門舊名政內為二

堂額曰模醕舊西花廳曰松風蘿月二堂後內宅門前

為川堂後為三堂額曰職思北為天尺樓西為書房內

為寢室東為庖厨之所後為土穀祠又後為園圃伊志

歷代修建 明宣德五年知縣鄭時建柳志明張魁

興古秀州浙之西統邑維三宣德改元大理寺卿胡公

承上命巡撫吳浙歷觀是郡最為繁劇乃奏請增置縣

與官以治之上允其奏故嘉興縣分為三嘉善其一焉

去舊邑僅一舍許前臨官河地勢平衍足以聚居民而

為聽治之所越五年秋縣尹鄭君始綰銅章開設縣治

下車之初四顧荒涼莽焉荆棘于是鋤治荒蕪去高築

低經營謀度詢諸同寅若二尹陳君蘇君詹君幕長楊

君咸極力贊襄各捐已俸吏皆悅從鄉閭好義之士亦

翁然助費以是歲九月鳩工庀材中構聽治之廳前揭
 崇麗之軒後為燕休之堂幕宇挾其左公帑掖其右凡
 兩廊儀門固垣墉與夫公廨室宇祠祀神壇葺歲之
 間悉完且美鄭君偕諸同寅置酒燕休堂以落其成復
 以書抵予求記其實以垂不朽夫郎官上應列宿出幸
 百里其責任為甚重故必遂其縣治高其堂廡以為之
 發號施令之地俾民有所觀瞻畏威而趨事也今新建
 是縣費廣力眾民不告勸不日而成棟宇雄麗費稱翬
 飛倪耄聳觀嘖嘖稱嘆則鄭君之用心可謂勤矣然作
 屋室使構榑觀嘖嘖稱嘆則鄭君之用心可謂勤矣然作
 為民父母使疲瘵殘疾鯨寡孤獨皆得其宜者匠氏之功也
 功也鄭君尚當盡心竭力夙興夜寐交修邑治使斯民
 脫其瘡痍頓生風采如斯堂之黜陟丹雘煥然一新則
 鄭君之嘉惠斯民豈淺淺也哉

知縣李遜菴嘉善章志成化中知縣汪貴宏治中知縣吳傑

正德中縣丞倪璣皆增修之趙圖記萬曆二十年知縣章

士雅重修崇禎癸酉知縣馬成名建天尺樓嘉善楊志

國朝順治十三年知縣方舟重建蒞政堂康熙十一年知縣

莫大勳十六年知縣楊廉相繼重修浙江通志二十二年知

縣崔維華重修雍正八年知縣郜煜修葺歸燕堂庫房

茶房于內署另建庫房茶房于石庫南又即幕廳故址

建三相祠撤去幽亭重建皂隸房于甬道左右并重修

兩廊土穀祠諸處又於涇口築堰開移關帝廟以鎮之

九年知縣楊繩祖建花廳并重葺之嘉善志乾隆二十六

年知縣梁徽三十八年知縣周樽五十年知縣恒明均

重修伊志咸豐末燬同治四年知縣傅斯懌請款重建

縣丞署 舊在二門外西嘉善章志康熙七年重建四十六年

縣丞康珪修雍正八年縣丞閻紹祖改頭門為南向嘉善志

乾隆三十八年縣丞吳超移駐斜塘鎮六十年縣丞

路泰修伊志道光十一年縣丞張樹棠重修成豐末燬同

治九年縣丞章元煦重建斜塘鎮縣丞署

主簿署 舊在儀門外東南嘉善章志康熙四十五年主簿周

宗達雍正八年主簿曹廷基修嘉善志乾隆六年曹廷基

移駐楓涇鎮伊志同治五年主簿張廷萱請款重建楓涇

署

典史署 在儀門外東夾道嘉善章志康熙五十九年典史周

定栗嘉慶四年典史靳光朝十九年典史覃光斗道光

六年典史謝元鎮先後修葺成豐末燬同治五年典史

徐漣重建

海鹽縣

縣治 在城東北隅浙江通志舊在縣城隍廟北三十步有舊

宣詔頌春二亭東西嚮至元志秦漢以下營卜非一處唐

開元中建於今治之右唐劉長卿攝縣令詩久客田園

廢初官印綬輕家憐雙鯉斷才

媿小鱗烹懶慢羞趨府馳驅憶退耕榴花無暇醉蓬髮

帶愁縈地僻方言異身微俗累并潮聲來萬井山色映

孤城滄海今猶滯青陽歲又更倘無知已在今已訪蓬

瀛案長卿攝令在至德中此詩上浙西節度李公碑本

與集稍異錄之又海鹽官舍早春詩小邑滄洲吏新

年白首翁一官如遠客萬事極飄蓬柳色孤城裏鶯聲

細雨中羈心早已洪武十七年改為海甯衛知縣祝用

亂何事更春風

宏卽衛左舊按察分司而更置之今縣治是也海鹽仇志去

東門城舊署十步而近於方左而尊矣海鹽圖經中爲正堂

明樊維城記略曰海鹽邊海之邑也其風質其民饒而俗習獷悍地界三分盜賊多有不易于爲仁似難于行令余以爲仁之致與令之行不可求之民也故廣其說以省覽焉雖然余未能也今之縣傳舍也縣之尹過客也辟魯叔孫昭子所寓雖一日必治其宮焉可前綴以矣敢以告後來之居此堂者天啟元年辛酉撰

軒堂東爲土地祠又東爲寅賓館堂西爲三相祠浙江通志

云正堂右爲軍器庫爲架閣庫前爲月臺下爲甬道東西兩廊東爲承

發吏戶禮及簡房西爲俸給庫供招兵刑工房前爲儀

門門外左爲縣丞署署南爲獄獄南爲典史署右爲鹽

捕民壯軍驍班房正南爲譙樓上豎榜曰海鹽縣中爲

大門外爲毬場場東西爲兩翼房南爲屏墻海鹽仇志云旌善亭

在大門左申明亭在大門右字民坊正堂後爲二堂曰

在縣治前嘉靖中重建改曰親民清心海鹽圖經清心堂在治北

後改爲雙瑞移清心名後堂 堂東爲軍器庫西爲稿

房稅房架閣庫內爲宅門門內有川堂內爲三堂舊匾曰熙

春 堂東爲花廳廳後爲雙桂軒廳西爲箭廳堂西爲分

杏書屋堂後大樓五楹爲邑令內宅周以廂廊庖溷之

所咸具伊志

歷代修建 明正統三年知縣左璇建譙樓後知縣嵇

鋼重建陳填有記宏治中知縣王璽重建大堂海鹽仇志成化間

知縣譚秀再建後堂嘉靖間知縣夏浚闢縣門樹坊建

左右碑亭萬厯初知縣饒廷爵重建二堂知縣李當泰

改顏雙瑞堂詳公署古蹟重修申明旌善二亭知縣喬拱璧

易庫磚以石海鹽圖經

國朝康熙五年知縣湯其升重建縣門浙江通志乾隆四十二年

知縣張力行通署修之國朝張力行修署記略海鹽

令祝君用宏徙置今所中間歷經營構備具載前志署

基瀕海環河號稱雄勝頭門上有譙樓檐牙高聳前令

何君肇瀨于內署築樓五間以應之而或者猶嫌譙樓

太峻益緣儀門兩廊過低耳爰鳩工庀材高建儀門兩

廊科房亦隨加高仰承大堂土地祠舊儀門外三廡

祠舊建頭門外今移大堂之東西寅賓館舊址久廢今

復建大堂之極東于內則東為花廳仍以景魯額之中

有泉石花木之勝復為疏鑿蒔植設鹿柴鶴徑資其點

綴蓋退食思政之所也是舉也捐廉從事遂獲觀成願

後之守是土者時葺而新之俾久弗壞云乾隆丁酉七

月日 五十六年知縣恒明嘉慶元年知縣任澤和重修

伊志 十五年知縣張宗軾道光三年知縣汪仲洋十一年

知縣鄧鳴謙先後修葺咸豐十一年燬于兵燹同治十

一年知縣沈寶恒請欵重建

縣丞署 在儀門外左海鹽續圖經宋時在舊治內一在儀門

內左一在儀門外左海鹽仇志明洪武十七年改建嘉靖中

縣丞詹岳重建海鹽圖經舊有主簿署缺裁併入丞署伊志

國朝順治十三年縣丞黃道運乾隆二十三年縣丞雷廷鉞

四十年縣丞李梁道光十一年縣丞郭帶汾先後修葺

咸豐間燬未建

典史署

元時在舊治內明洪武中改建於今治內

海鹽仇志

在儀門外署旁卽狂狴之所

伊志

嘉慶二十二年典史韓

鍾驥重修咸豐間燬同治五年典史周振華領欵重建

平湖縣

縣治

在當湖鎮

浙江通志

明宣德四年吏部員外余亨相地

於壽康道院之西陸氏宅

吳志

案平湖王志吏部員

外郎余亨勘得當湖一鎮浦

柳環繞于東北山海拱衛于東南玉帶河爲托鸚鵡洲

爲峯誠列雉建署之會現爲居民陸廣等之基及壽康

道院餘地相度形五年知縣王簡創建改道院爲理廳

勢定此地爲縣治

正統九年知縣徐韶宏治四年知縣林奇相繼營建

湖平

程中爲大堂綴堂爲軒堂東爲土地祠

舊贊政廳領寶房贊

政廳堂西三相祠

舊批迴科批迴科堂號房供招房正堂前

爲月臺爲甬道

平湖程志云中戒石亭萬厯甬道左爲

吏戶禮鹽法俸給承發房右爲兵刑工房前爲儀門左

右角門門西爲獄門東爲主簿典史縣丞署

平湖程志云東爲土

地祠稍前右爲延賓館左爲巡捕廳

正南爲譙樓上豎榜曰平湖縣中爲

大門外爲毬場

善申明二亭場南爲屏牆大堂後爲

二堂東爲庫房軍器庫架閣庫東北爲宅門爲內署中

爲燕堂東書屋西古藤書屋

詳公署古蹟後爲寢室爲大樓

爲廂房爲側房燕堂之西爲園囿西爲觀圃

知縣劉中雁題題中

爲詮香書屋後爲就樹軒又西北爲天香亭

伊志

歷代修建 明正德年間知縣郭天錫建大堂知縣王

璽建燕堂嘉靖十六年知縣黎循典築圍墻二十五年

知縣李僑建丞署幕舍寢室書齋三十一年知縣楊挺

高建譙樓孫校有記天啟中知縣顧國寶塞各衙旁門盡從

儀門出平湖程志

國朝順治十八年知縣金鍛重建大堂平湖朱志康熙間知縣董

天眷輯天香亭平湖張志乾隆四十年知縣劉雁題建西園

觀圍四十四年知縣張力行重建大堂五十四年知縣

王恒于天香亭東建就樹軒平湖王志王恒有記嘉慶十四年知

縣劉炳重修道光十四年知縣沈逢恩修葺咸豐末燬

同治九年知縣邢守道領欵重建

縣丞署 凡二所清軍丞在縣堂正東管糧丞在縣堂東

北柳志後圯假寓城隍廟乾隆十六年知縣閻公銑撤崇

文書院重建于縣堂東北五十三年縣丞彭澤濂重修

有記平湖王志嘉慶十七年縣丞謝燦二十二年縣丞萬珍

道光八年縣丞祁鎬十九年縣丞韓錞先後重修今燬

暫駐新埭鎮

主簿署 在縣大門內東乾隆十六年知縣閻公銑重修

題其門曰佐令之署四十年主簿姚興滋建書屋于堂

西平湖王志道光七年主簿林樹錦重修咸豐末燬同治六

年主簿姚慶鏞請欵修建十年主簿費文郁捐廉再修

典史署 在縣儀門外東

平湖王

嘉慶十八年典史錢書成

道光十八年典史汪寶瑞先後重修咸豐末燬同治七

年典史龔鳳衢領欵重建

乍浦巡檢司署

舊在縣東北五十八里齊景鄉二十都

獨山宋元俱名故邑在乍浦故邑城去縣三十六里洪

武十四年巡檢祁僧伽奴仍遷于本都乍浦鎮十九年

因本鎮設千戶所巡檢張觀音奴起築屯堡改移于此

海鹽仇

後假寓僧寮康熙五十三年里人宋炳等捐資買

民房十二間改爲署

乍浦志

嘉慶十六年巡檢邱永安十

七年巡檢李枝蔭先後重修今燬

白沙巡檢司署

在縣東北九十里海岸邊舊在武原鄉

十九都廣陳鎮

海鹽仇

元爲蘆漚巡檢司洪武初改今名

十九年巡檢辛克明起築屯堡改移于此

海鹽圖

今署久

廢假寓新倉鎮廟

伊志

石門縣

縣治 在城內運河塘

浙江通志

天清宮東北五十步舊縣治

也 晉天福中

至元明

浙江通志

始建於義和市運河西五

十步宋建炎初燬寄治廣法寺紹興中

明浙江通志

作二十四年知

縣黃揚重建

崇德新志

元時陞爲州洪武元年改州治爲縣

治知縣梁宣仍舊開設

志柳

國朝康熙元年改崇德為石門縣

浙江通志

中為大堂

石門縣志云隆慶末

知縣蔡貴易額曰崇德堂後知縣陳宗湯顏曰作新知縣靳一孤立題名碑於堂左自為記宋趙與袞刻漏圖銘禦溪復邑治自紹興乙亥歲于今六十年而無刻漏以別昏旦為令者率以賦訟鞫于懷未暇及也僕偶承檄攝事輒按邵湯規式命工製造錫壺置之廳事之左謹列其名物于上使來者有所考焉復為銘曰水有常度晝夜不忒政有常經吏民不惑朝聽夕修君子是則念茲在茲惟謹厥德嘉定八年五月望日

綴以軒堂東為典史署堂西為主簿署前為月臺為甬

道中為戒石亭

今改建木坊

甬道東為吏戶禮房西為兵刑

工房課程承發各房皆附于左右前為儀門外左為延

賓館館南為土地祠祠東為儀仗庫右為吏廨為羈所

吏廨之北為東西監房正南為譙樓上監榜曰石門縣

中為大門外為毬場

崇德靳志云左為申明亭右為旌善亭

中為屏牆大

堂後為中堂後為宅門又後為後堂堂東北為庫房東

西為書室後為寢樓樓後築土為山其西為園圃有卧

月亭桐在軒諸勝

伊志

歷代修建 宋紹興中知縣黃揚重建

柳志黃揚崇德縣治記縣治

自罹建炎兵火鞠為茂草乃寓于邑之廣法院所謂囹圄帑藏案籍吏舍紛雜莫辨無庭除以別官曹訟輩氣息相屬每郡吏追呼徑造屏間如是者蓋二十有四年揚始至旬日慨然欲遷之方積逋日支懼不給奚能侵於官是歲適滂常賦輸且艱其忍哀諸民朝夕慮鳩工之計邈如也一日院僧如琳等數輩執幅楮却進退若無所措狀問之則曰縣居寄此久矣齋粥無炊爨之所夏臘廢戒律之儀儻諸民居與俗何異願以殿後重屋

之屬移為縣宇小大餘五十間蓋前百年之良材也揚
嘉其言而納之乃涓日相視舊址首度土工繚以垣墻
先勑園扉次立廳事及旁吏舍中門環廡於是粗備豪
右助金者一十七百餘緡助材者巨細一百七十餘事
凡備食之費取諸其間出納之數具如案籍有司掌之
故興作而民不知始謀而郡弗沮即其所自則如琳輩
之功也揚何力焉來者願毋擾廣法之眾使
揚無愧於永久幸矣紹興乙亥六月甲申 紹定初知
縣樓寅重建譙樓 宋吳潛縣譙樓記環百里而為邑視
生殺本朝約四海于禮制之中一民一物皆聽命於上
守將之權輕則縣令之權尤輕然有人民社稷教化政
令之所出獄訟財賦之所繫人生安危休戚之所始則
權雖輕而任實重故縣令之所治不肅則吏民不威凡
縣邑門皆有樓樓設鼓若刻漏所以授人時聳吏治嚴
畫而警夜者也崇德自晉天福中得七鄉為縣地褊而
版計繁又適當孔道舟車旁午將迎應接之費十倍他
邑前後往往以罷輒不堪任譴問號有才力者亦不過
埋頭于簿書期會僅僅辦集善三年去則已矣其出而
聽政入而安身之所猶將以逆旅傳舍視之况斯樓乎

實慶乙酉東陽樓君實來敏而有吏能始至則究極源
流疏弊蠹發為條教具有繩準粵明年財用沛饒舊蓮
宿負悉上于府則以餘資躬自程度鳩工聚財創樓于
縣門之上首丙戌孟冬迄丁亥二月落成朱費雲齊畫
棟山峙雕欄綠楯窗壁外揭巨匾中立大鼓畫刻
宵漏一毫不忒既成復撤新東序面枕河流導堙為通
石梁跨河去庫為崇于是邑人之往來者載瞻載觀忻
如儼如不意父母之邦忽有此新美也夫天下之理公
則一私則萬殊一則事舉而無不宜萬殊則欲動而輒
礙今君以官事與役不取之民不斂之吏人知其役而
不知其費此非天之生財豐于今而嗇于昔也公與私
之間耳邑人嘉君能起數百年之曠闕新一縣之耳目
屬予為記顛末予應之曰君子莫大乎與人為善予也
何敢不揚令之善而慰邑人與善之思乎于是為之記
君名寅字仲甫襄靖公之曾 淳祐間知縣黃元直重建
孫云紹定二年四月望日 中堂後堂明洪武初建譙樓及戒石亭正統中知縣焦
寬重建中堂宏治中知縣湯沐重建後堂內衙正德中

知縣洪翼重修中堂嘉靖中知縣劉宗武修葺延賓館

後堂改建庫房甃石為城并改建重門堂軒東西書室

寢樓劉宗武自為記萬厯己丑知縣孫承謨重建西吏曹房辛

卯知縣王述古重建儀仗庫辛丑知縣陳允堅重建吏

廨郭子直有記及闢西園甲辰知縣徐穆重建東書室丁未

知縣靳一派重建西書室崇德新志萬厯末年藥庫火知縣

陳心德燬焉胥吏多死者天啟辛酉知縣陳宗湯鳩工

重建正堂後堂內署

國朝順治十年知縣陳邦寄重修中堂及六曹房十二年知

縣易象兌康熙十四年知縣鄭世培重修譙樓鄭世培記考石

邑之治舊有層閣冠于署門之上置鼓若刻漏其間以別昏旦警宴息其圯而廢諸未計起自何年乃邑居孔道上官幃帷而至與四方薦紳先生行過是者視其布政之所觀聽不肅麗譙不戒必有以識治道之窳而議長吏之偷昔單子入陳火朝覲而道弗不除斤斤然致咎焉則茲鼎而新之無容或已蓋可知矣長斯土者忽於斯義何以謹民間之益藏而峻百雉之鎖鑰哉予蒞茲薄兩朞矣幸疆圉之棘以次靖蜚輓之貢以次集郵傳之困以次蘇芻茭供億之具亦備而不乏爰是進鄉大夫長老而諭之日譙門之建此其時乎惟是一楹一篔簹弗以賦諸民一繩一削弗以科諸匠予與二三寮吏共節齋廚之供捐賓客之奉以竣厥工而庶民之輸以力大夫士之助以緡者聽無所強也詎意人心競勸董不逾時不支公帑一錢不溢正額一粟飛糞列枌氣象煥然成勞具在予何敢尸惟共襄十五年正堂圯五十四年知縣韓麒趾重建作新堂石門鄭志韓麒趾記也將朝夕見而字撫焉石邑地當孔道供應四出官竭於資民疲於路無暇為居息計大都因陋就簡麒趾始

至見治堂卑閣漸即於圯西廊廡宇傾廢吏抱案立蘇中蹙然謀所以恢之顧以初任諸務旁午與舉先其大者刻無暇晷暮年始能完葺西廡三年之二月乃決計重建作新堂擴舊宇而崇之工甫興子適視篆鹽官戒僚吏無菲材無竅工一磚一甍無以科民一餼一粟無以苛匠每十日輒歸而課之始于仲春之上浣落於季夏之初旬然署後向有高樓聳峙邑之休咎令之遷除往往於前堂後枕間徵之于力不能兼舉也敢以告後之蒞茲

主簿署

在正公廨之右

柳志

明嘉靖中知縣劉宗武增建

隆慶初主簿王禴增修中大堂

崇德新志

國朝道光十七年主簿徐知鏡修葺咸豐末燬同治四年知

縣楊恩澍重建于縣署東

典史署

在正堂東

宋樓澤縣尉記一行作吏各有分職令丞通行之外警察盜賊平決詞訟

與凡保伍餽餉之事皆屬之尉或憑籍門閤或乍脫場屋折腰歛板于千官之底况當冠蓋往來之衝朝暮將迎匆匆鮮暇徒勞之歎殆為此發然賢且才者固可得自見其苦梅福賁裴虬孟郊載在史冊類有可稱亦存乎其人而已語溪為禾興嚴邑尉解殘於兵燬僑寓僧坊紹興講解始遷新址今又八十年矣贛川曾子春始至顧廳壁錄木記名氏自李君球以後凡二十有五人民部貳卿吳門林公今諫議大夫錢塘俞公皆發軔於此棟然起敬知所矜式既書兩考年豐事簡遂判諸石以詔不朽俾譯識之澤初筮推甸實居是官履而後知之子春今為鄉人相與有連又為同僚嘉其不致怠事謹誦所聞且以加勉嘉定十三年中和節

中典史李滋榜曰贊政先是丞簿尉從正堂東西角門

儀門出入知縣蔡貴易于六曹房外各闢甬道丞尉出

入從左簿出入從右

崇德新志

國朝嘉慶十六年典史梁登縉二十四年楊禮衡道光十九

年張安邦先後重修咸豐末燬同治四年知縣楊恩澍

重建于縣署西

桐鄉縣

縣治 在梧桐鄉鳳鳴市

浙江通志

明宣德五年巡撫胡榘郡

守齊政議設縣治於六鄉道里之中知縣生用和草創

廳事

桐鄉志

後知縣趙中繚以周垣經理創建

柳志中為正

堂

顏曰和衷成化間縣令梁敬易曰寓牧

明黎暹寓

車春意生郎星燭夜天心靜閣里不特揚清風童孺無

能說嘉政自知治所須高明故築斯堂上形勝浙東山

水雙眼豁象外乾坤一時併揭書寓牧字如斗筆正要

自居心正詩書自作千古計華水天拱四時興曉出簾

星渾未稀晚歸窗蟾已孤映人如子雲時問字士有澹

臺不由徑寒泉瀉下碧玉壺晚奩推出青銅鏡琴彈古

調豈愧必錦製妙手當思鄭占桂還于秋後香修竹正

自霜中勁人生立身貴秉節治務行簡先居敬牧民一

萬只三載天子求賢正明聖我亦金華牧羊客牧理會

須與君訂荒山細草天地春物性未必非我性百年大

塊亦寓耳丈夫志業何時竟我詩 前綴以軒堂左為贊

政廳堂右為供招科 案柳志軒右為架閣科成化間縣

簿廳為分 前為月臺為甬道中為戒石亭 今移置治

治之所 左為吏戶禮承發號房右為兵刑工房鹽法科又西為

獄前有蕭王祠號寃樓 中懸一鐘令囚有寃 前為儀門

外東西各建廊房正南為譙樓上豎榜曰桐鄉縣中為

大門外為毬場 桐鄉徐志云申明亭在譙樓 場東西為

版廊南為屏墻大堂後為川堂為宅門後為二堂堂東

為耳庫房

桐鄉徐志云堂左為儀仗庫右為會客廳

二堂後為三堂

三堂之東為內庫西為土地祠後為內宅為園圃有池

亭之勝

伊志

歷代修建 明宣德六年知縣趙中建治廳後堂川堂

儀門大門譙樓架閣庫丞尉等署

柳志

正統間知縣田玉

增置吏舍天順初知縣張泰修葺廳事建榜廊于譙樓

之左右及申明旌善二亭成化十年知縣孟俊重建六

房尋新廳治移架閣庫於西廊而易以分治廳二十年

知縣梁敬重拓申明旌善二亭改建典史衙于舊址宏

治中知縣王昊重修治署

明胡燿重修桐鄉縣治記畧桐鄉縣距皂林河南一舍許

即崇德之分縣也建置之初規畫畧備越今幾七十年

因循廢弛殆不可縣甚者如公寢惟遺址學舍亦圯毀

驛巡解宇不輯官屬備民舍以居委積綯茅困粟浥腐

若橋梁若塹柵若囹圄養濟院房多不可觀衡陽王侯

登宏治癸丑進士出知桐鄉下車即以是為憂乃謀諸

丞簿而下咸協志移告于公遂與民經始之卜吉伐木

石搏埴為瓦甃執事役者惟公惟慎首學之卜吉伐木

尊經閣生徒別舍次縣之儀門兩廊譙樓後堂縣貳衙

宅土地祠次養濟院固房皂林驛巡檢司又次便民

預備二倉與布政分司聿新創建者凡若干楹傾頽而

振起者凡若干楹剝落漫漶而整飾鮮明者又凡若干

楹于市衢則設民柝以衛居氓市外則成同情燕子等

五橋以濟行道者桐鄉之治亦煥然一新然工不逾時

而民不告勞桐鄉人民相與樂成之嘗聞侯為民爭稅

銀奇羨于其長奮不顧利害治功

速成有自矣民甯忍忘子來者哉

正德八年知縣任洛

建黃冊庫於後堂東并建大堂前月臺儀門外廊房增

築周圍縣牆萬歷間知縣高梅重修治署有記癸丑知

縣胡舜允重修譙樓

國朝順治八年堂及後樓俱燬康熙間知縣孫郁徐秉元修

建又修改架閣科為鹽法科添建供招科於西廊號房

于東廊桐鄉徐志雍正二年知縣陳大慶繕修中堂及兩廊

書吏房乾隆七年知縣李華松十八年知縣王瑄重建

治廳增加川堂于廳後又重建供招房二十三年知縣

韓本晉重修譙樓三十一年知縣雷士佺樹塞門于宅

門內四十四年知縣王泰曾重葺三堂儀門書吏房重

建外廊房四十六年知縣李銓重建贊政廳五十七年

知縣呂爾熺即造作廳舊址建會客廳于後堂西六十

年知縣李廷輝重修治廳儀門譙樓

李廷輝記邑之有譙樓也所以謹漏

刻嚴宵柝辨昏旦而理庶政也夏官挈壺氏以水火分

日夜告時於朝與秋官司宿氏掌夜時詔夜士夜禁之

職通自齊風以顛倒衣裳為失節刺挈壺氏弛其職矣

嗣是而浮箭傳漏靈蚪吐流更以鼓點以鉦然則譙樓

之建非亦興居號令之所必重哉癸丑嘉平中旬之六

日涖任桐溪入其樓樓欵入其堂堂圯因思唐房瑄歷

宋城濟源而以繕理解宇著能者興利除害其權輿也

乙卯籌及經費申請方伯預支廉銀擇日庀材鳩工堂

庶輪奐一新越十一月之五日譙樓落成是夕也天宇

霜清訟庭閑冷漏鼓初過挑燈兀坐默計半載以來刑

獄之輕重果得當否爭訟之曲直果盡平否農桑之勸

課果無怠否糧賦之催科果無擾否一內訟不覺惘

然有失也嗚呼天道之妙千歲可致而基于一刻之弗

差治道之盛庶績成熙而原於寸陰之無曠古人所謂

而後即安者其在斯樓歟嘉慶二年復繕修監房伊道

光四年知縣王鼎銘十二年知縣黃攀桂十九年知縣

高奇偉先後重修咸豐末燬光緒元年知縣龔鳳岐請
欵重建

縣丞署 在正堂東吳志乾隆三十七年知縣潘安智縣丞

王華改延賓館為丞署五十一年縣丞郭淳奉委駐青

鎮五十六年知縣呂爾熺與郭淳增造五十八年署縣

丞曾毓芑增建大門額曰糧廳伊志道光二年縣丞許繼

栢十七年栢書先後重修咸豐末燬光緒二年縣丞王

春澤請欵重建

典史署 在正堂東北吳志乾隆三十九年知縣潘安智典

史耿昭將丞署遺址構建五十六年知縣呂爾熺典史

易元曜葺大門額曰督捕廳伊志嘉慶二十年典史李華

年道光十二年鄧醕重修咸豐末燬同治五年署典史

高長松領欵重建

巡檢署 初在皂林鎮康熙三十六年題請改建于青鎮

以駐防廨為巡檢司署即常平倉故址也乾隆二十四

年巡檢朱瑞麟重建大堂三十七年巡檢姜寶善重修

伊志嘉慶十七年巡檢李景瀚二十三年巡檢李簡道光

十二年十九年巡檢黃宗鈞先後重修咸豐末燬同治

四年署巡檢金和節請欵修建

嘉興府志卷六

嘉興府志卷七

嘉興府知府善化許瑤光重輯

公署二

宏文館 在府治西北靈光坊浙江通志即布政分司明崇禎

年間知府鄭瑄建為督學校士之所相傳為宋監倉東

廳中為大堂後為川堂寢室後建一亭堂東西為號廠

吳志可前為儀門東為賓館西為土地祠大門外東西

為府縣官廳南列照牆東西轅門樹坊二東曰文章司

命西曰風教提衡袁志明陳懿典宏文館碑記昔唐

觀之風稱極盛焉太宗置宏文館增學舍千二百區貞

成亦辭封拜今郡守初建試第取其名顏之蓋昉諸此
 我禾宣德四年分增屬治譽彥輩起莅茲士者欣瞻彙
 征之盛而憚于鼎造因循避勞雖國家射策鉅典迄無
 定宇故事督學較禾權借大察院為棘闈浩費帑藏葺
 望鳩工煩累浹旬不即告竣試畢給散薪木化為敗物
 三載間歲科接踵再興再廢他若上臺堂課諸提調季
 考或值繡衣出巡勢必徙之巽宮廟剝與郊外五賢祠
 密竇斜扉固嫌卑隘巖栖頽壁復驚履冰當事者憂之
 恒念露臺百金可借此院千金不可不捐也郡守鄭公
 德業豐偉躬荷斯文重任藝苑曠闕實刺史之責詳審
 經畫惟按察荒址係世廟禦倭郵署修之不資棄之無
 名毅請改營築室數堵規格整飭洞開諸門奎耀映靄
 二百餘年諸子矜一朝頓見體制威儀猗與盛矣是役
 也先割俸為七邑令尹倡二三幹掾分董其勞一切土
 木平準勿擾輿情懽躍願言子來此誠悅服之明效也
 昔翁家次公遷沛郡興鄭岐令聞藉藉而公為駕湖長
 力扶文運使讀書者登堂入室繼絕學宗薪傳流澤孔
 長更何底與公相宅卜吉始于春正月交夏仲告成止
 四閱月耳不百日而談笑就功都入士感公鼎樹若
 神助與周召營洛婉美諸弟子員朱治暉等請之直指

鄧君乞余言以勒垂名業異日彤庭採郡乘書某二千
 石賢著其績為不朽余實忻附而誌其畧云黃承吳
 記我浙學使者試士會城有校士館而我郡獨無之每
 遇學使按郡棚廠之費不貲雖七邑合輪然竹木供自
 郡城諸肆商賈苦之一建一除七邑所輸既委諸逝波
 而日暴雨霖民間之物半歸朽壞往者網疎歲考約十
 載方一及猶可強支邇則功令嚴密非歲科兼周學使
 者不得擢我郡侯鄭公祖有慨于額將邑因供輸而民不
 堪命矣惟我郡逸計虛鄭公祖有慨于額將邑因供輸而民不
 以為一勞永逸計虛鄭公祖有慨于額將邑因供輸而民不
 理之密幾于嘔心矣木石之價傭役之值悉準民間織
 毫不以累民大工落成間里中若不知也我侯經綸妙
 手即此可規一斑矣敬記其實弗置諛辭是役也規畫
 于崇禎丙子之臘始工于丁丑之王正落成于夏五不
 半載而大役以就亦足徵子來之民情矣

國朝嘉慶十年知府李賡芸倡捐重修

自為記嘉慶十年四
 奉文府考甫試嘉善海鹽二縣童生遽丁內艱時賡芸
 以郡之海防承于役德清督煇賑事奉臺檄俾權守事

并令馳赴辦考蓋恤士子之羣集以待也既受印次日
 即開考天多雨目擊東西號舍庫陋湫隘上淋下濕几
 案坐具又時有毀裂者心為之不甯居無何仰蒙
 恩命真授是職乃躍然曰今可以改作之矣爰進郡之
 薦紳先生及三庠之士而謀鼎新也則僉曰諾復就外
 縣之薦紳先生及庠士而謀焉則又僉曰諾於是廢芸
 偕各邑令尹先捐俸以勑而七邑之人出金者遂相繼
 不絕乃延項君學醇陳君延聲錢君善膺褚君長春四
 人董其役鳩工庀材且司出納凡庶人在官者胥不得
 與焉遂擴文場東西之地而展寬之文場之內隔以庭
 文場之外繚以闌所擬者所坐者所便旋者雨之所能
 侵者日之所能入者罔不曲為之計以期於無憾而後
 止又濬溝甃石自堂以下至門外之屏平其路如砥又
 舉東之客位西之韓公祠而并新之文場將試而啟既
 畢而閉局之鑰之以籓籓障之皆有司其事者焉賡芸
 初意不過欲崇其棟密其瓦甃其地堅其坐倚之具而
 已初不虞如是之改絃更張而其工作又如如是之堅緻
 而整齊周詳而鞏固也詩有之如竹苞矣如松茂矣記
 有之美哉輪焉美哉奐焉舉以目斯殆可無愧蓋不特
 為兩浙試院之冠也夫士而懷居不足以為士此聖人

之言也畢世之居不可懷况一日之居乎然而士之就
 試良苦矣早則夜分遲或雞鳴即興食而持橐立於風
 霜雨露之下以待唱名比入場非遲明即日出矣力既
 倦腹既枵又以陋室困之宜其文之遠遜於平素也是
 以工欲善其事必先利其器而今而後就試之士庶幾
 心開目明其可以抽秘而聘妍爭盡此一日之長矣是
 役也經始於十一年三月畢工於八月計用白金七千
 有奇出錢者多不能仿漢碑之例錄姓名於碑陰也則
 別梓徵信錄以垂久焉董役之四君子尤能盡心力而
 為之者其材足支百餘年尚有歲修之經費存則不僅
 百餘年矣工既畢道光四年九年嘉興秀水二縣先後
 迺勒其緣起於石
重修十八年秀水紳士陳宗柏捐修東西文場咸豐十
年燬于兵同治三年知府許瑤光重建
 左抱淞瀆右吞茗笠前控大海平田沃壤野穀自生秀
 水五色蔚成奧區其士人率彬彬秀雅秀州錫名其以
 此乎漢晉以薦辟舉士時則有若嚴施于顧諸陸彪炳
 史冊先後相輝至唐肇科目陸宣公由進士為名臣扶
 公署二

翊唐室尚矣宋自熙甯以迄明末每科或五或六人或十
 餘人未與鴻博者四人其時匠成翹秀鳳舉鴻翻懷瑾握瑜
 之士莫不爭自礪錯以副崇文之雅化中如陸清獻紹
 洛閩之傳功德加於海內雖不能以科目升詳延天下
 科目起家則知朝廷以釋爵前師以時習禮于庠序莘莘
 方聞之士補弟子員釋爵前師以時習禮于庠序莘莘
 和初觀國之榮因而招振材端啟發性緒以標為人倫
 襟冕固不可一日已也同治三年孟夏瑤典郡嘉興時
 郡城克復始七旬官解民房盡付灰燼宏文館者督學
 使按臨之所也府署北往省視則瓦礫蒿蓬不辨舊
 址蓋郡城陷於賊至是已五年矣一旦官軍報克復始欣
 播然發篋啟書各理舊業至六月而金陵報克復始欣
 州克兩浙肅清東南底定中興景運如日再中學人懷
 抱利器所夕翹企冀得一展而皇華使者無輪材地守
 士者能不慙然迺商之紳耆緩諸土木工不舉檄七邑
 釀金修宏文館急先務也于三年八月經始四年四月
 落成羣屬瑤為文記之瑤惟試館以宏文名其時義亦
 大矣哉蓋文也者在古人為德性之英華在後人為詩

書之菁采韓退之進學一解以六經與司馬相如揚雄
 相提並論其佶屈聲牙奇法葩正幾若以末世雕蟲小
 技上測聖賢矣不知古之神聖賢人身體力行毫釐無
 謬不得已而發為教世傳道之書本無意於工詞而義
 精理密遂郁郁可觀如堯典文思禹謨文命文王之經
 天緯地文公之制禮作樂孔顏之博文約禮僅以文視
 之不可也退之枕藉古籍根柢經訓以為文故文直越
 八代而上惟閱中肆外尚不免以文視經訓耳至今日
 士人讀聖賢書以經義代聖賢立言應亟知文以載道
 必融貫於聖經賢傳而平日之砥行立名又曲曲焉以
 與之相赴庶幾由淺造深由末悟本處則孝弟稱於鄉
 閭出則勳業節義顯於當時而傳於後世斯不負讀書
 為文之本願矣若斤斤焉以藝博科名邀榮耀其剽
 竊浮薄者固深足鄙恥即鎔鑄經史瑋詞瑰論炫一時
 之耳目以傲然自雄而反躬內鏡文與行絕不符合吾
 謬不然矣能毋戒旃
 爰書之以告來者

鹽場公署

嘉興批驗所 在春波門外五里趙圖門堂俱南向掣北

向即宋鹽倉曰寶花倉址嘉興湯志元延祐間嘗置所於衙

前橋之南案元史大德三年于嘉興設至正戊戌燬明

洪武戊申以水次便利移建於此即宋玉霄萬壽宮遺

址歲久傾圮萬歷三十五年巡鹽御史方大鎮重建張明

以誠重建嘉興批驗所碑記在鹽政場竈煎鹽邊商報

引內商質其引以支鹽而運銷之顧天引或許冒鹽或

闕出此批驗所之緣設也故事每歲季月商各昇鹽集

臺使者委官驗引符輒放無留行其後乃有秤掣之

法踰額即第其輕重而罪之然猶須鹽運後徵納餘鹽

至于刻期畢登始許發運而商遂困矣所在嘉興東郭

故有督掣廳堂久且敗居官者視若逆旅莫適為葺而

商當積困之後又誰肯捐已資以急公家之役者然而

掣之日上下若杞人然兢兢惟崩壓是懼稍雨即坐塗

潦中屑越甚矣歲丁未商綱朱國裕王誠黃棟柱等請

于臺使者方公重繕之則公首斥贖錢五十金為有眾

經始于是工必中程材必中度其廣袤必中地宜其建

制必中方位其埏埴必中準繩其塗墍必中物采首門

宇次階墀中堂皇左右燕寢森井井縹以周垣腐者

易而堅朽者易而良湫隘者易而爽墮陂陀者易而輪

奐蓋自戊申之內辰迄于壬戌七浹月而事舉計費千

餘緡眾商欣然任之無以為厲已也者此何以得于商

哉我國初每引止輸粟二斗五升較子母利頗倍迨世

廟末南海氏為政議折粟價納銀三錢五分則利輕而

鹽多壅滯之始也頃中使出監稅事將囊括諸商而逞

志焉會涇川葉公永盛按浙以死力爭之中使權稍奪

然稅額歲增三萬有奇自此引價視昔益重矣公念商

國朝因之置掣廳前臨運河嘉興何志掣廳北向西為關帝廟東

其貲以繕茲所也

為土地祠南向即仰德堂中有觀稼樓所署在掣廳之

東伊志今燬同治初暫駐海鹽之嶼城鎮

海砂場鹽課司 在縣西一百二十步宋為砂腰場明正

統元年都御史朱鑑移置治東一十八里砂腰村白馬

廟東海鹽仇志咸豐末燬未建

鮑郎場鹽課司 在縣西三十六里澉浦鎮西門外海鹽仇志

宋時舊廨址在通江橋側茗溪朱俯立海鹽圖經李昌宗記咸豐

末燬未建

蘆漚場鹽課司 在縣東北九十里今隸平湖縣海鹽仇志在

縣東北三十九里蘆漚市東明洪武元年建趙圖記萬歷

四十六年移置縣治之南門

國朝康熙三十九年因離場太遠復移新倉鎮兩浙鹽法志咸豐

末燬同治十三年大使沈福祉捐資置買民房一所改

為署

武職公署

嘉協副將署 在府治西北浙江通志順治七年奉經制額設

十一年奉裁改設游擊一員移駐海鹽康熙五十年福

浙總督范時崇題改游擊為副將駐劄府城五十四年

副將何肇彩增設衙署吳志咸豐末燬同治五年副將劉

樹元領欵重建

都司署 在府治東卽舊察院基初為推官宅康熙六年

裁推官改為同知署五十七年同知移駐乍浦雍正六

年添設都司改為中軍都司署七年都司呂上懋重建

浙江通志咸豐末燬同治四年署都司傅宏禧請款修建八

年署都司周萬友建軍裝局房

左營守備署 在海鹽縣署西海鹽續圖經順治十二年游擊

駐劄海鹽康熙五十年移駐中軍守備雍正間移駐左

營守備伊志咸豐間燬光緒二年重建

右營守備署 在乍浦南門內明備倭把總署嘉靖九年

把總杭州右衛指揮楊和建二十一年把總杭州前衛

指揮陳鳳四十四年欽依把總章延廩重修海鹽續圖經

國朝順治十三年移嘉協守備駐乍浦改為守備署乍浦志今

燬未建

城守營署 在府城報忠寺西蛄子匯久圯賃居民舍吳志

嘉興汎防署 在東門外天尊閣吳志今燬

王江涇汎防署 在王江涇鎮吳志咸豐末燬同治四年干

總金朝元重建

新城汎防署 在新城鎮吳志今燬

嘉善城守營署 向借預備倉嘉善志久圯同治六年重建

澈浦汎防署 在澈浦城海鹽續圖經今燬

平湖城守營署 在縣治東康熙三十一年建平湖張志今燬

石門城守營署 在石門城內伊志咸豐末燬同治四年知

縣楊恩澍重建

桐鄉城守營署 在治東乾隆五十七年知縣呂爾燻建

伊志今燬

濮院汛防署 在濮院鎮吳志今燬

水師公署

乍浦水師營副將署 在乍浦南門外湯山麓雍正七年

建乍浦志咸豐末燬同治九年署副將楊春和請欵重建

左營守備署 在乍浦南門外雍正二年建乍浦志今燬

右營守備署 在乍浦南門外陸家橋乾隆二十年建乍浦志今燬

乍浦志今燬

左營千總署 在乍浦東門內綠旗水兵營雍正八年建

乍浦志今燬

右營千總署 在守備署側乾隆二十年建乍浦志今燬

左營把總署二員左司在乍浦北門內右司在守備署西

並雍正二年建乍浦志今燬

右營把總署 在守備署左乾隆二十年建乍浦志今燬

澈浦水師營都司署 千總署 把總署 均在澈浦南

門外海口道光年建今燬新纂

衛署

嘉湖衛署

舊為海甯衛在縣西一十步舊縣治也洪武

十七年移縣治于東偏改設本衛於此基南西北相距

河東並縣宏治中把總嚴明掌衛事指揮使李振重修

明錢福重建海甯衛記略浙江都指揮使司所領海甯

衛其地為嘉興府之屬縣海鹽海鹽故州也衛治即州

治與今縣治連其領左右中前後五千戶所附之而乍

浦澉浦二守禦所遙隸焉衛泊海可二里許其海塘與

甯紹相望倭夷之所出沒魚鹽之饒漢稱都會番舶之

萃元日富區可不為浙西一大險要哉正統間夷寇乍

浦遷後千戶所共守之而仍領焉若今所附即四所也

監察御史關中張公鸞為浙江按察使副使救視海道

至則曰練卒閱將申令葺械修城塹備堡塞固隄防吾

職也若夫衛所頽墮堂陛不分作止無階何以持權而

蒞其成哉於是按節海甯衛而有振頽起廢之舉乃會

議總督都指揮黃公華覈得舊所備估而未行者乃昇

把總指揮嚴君明主之主衛事指揮李君振協督焉於

是有蒞事之廳曰宣威其後為堂曰退思左為經歷司

文士佐貳古之參幕也右為齋宿所大事戎祀國之所

慎也退思之左為客使館重交際也右為鸞駕庫慎奉

上也軍器有庫旗纛有廟習其所有事也宣威之前六

房對峙儀門之外為屬官集議之所鎮撫之廨頒示榜

文之舍譙樓門闕煥然一新誠足以壯觀肅威振武別

秩也經始于壬戌七月落成於癸亥五月其為費銀以

兩計者九百六十四兩有奇張公蒞止顧而悅焉既又

歎曰有衛而無所可乎乃出其道中所積餘銀勸官軍

嘉靖中指揮崔鼎彭端隆慶中姚馨萬歷中彭紹賢並重

葺海鹽仇志

國朝康熙間以衛署改設城守營移建于縣西新橋北
署舊址 乾隆十五年裁併嘉興所改名嘉興衛二十六年
即總司行

裁併湖州所改名嘉湖衛伊志咸豐末燬同治十一年衛

守備孫悅恭請欵贖買海鹽南門內民房改建為署

鎮守乍浦滿洲駐防公署

副都統署 在乍浦東門內環以城協領以下署附列左

右並雍正七年建平湖張志今燬未建

協領署 凡五

佐領署 凡一十有一

防禦署 凡八

驍騎校署 凡一十有六

左司署 凡一

右司署 凡一

筆帖式署 凡二以上乍浦志咸豐十一年俱燬於匪尚未建

復

公署古蹟

嘉興府

同穎堂 在郡治宋守俞浙改名修齊至元志

清香堂 在同穎北趙圖記宋守俞浙改名敬信節愛之堂

至元志

山堂 在府治內西北宋郡守張德甫建後守李孟堅改

名浩燕堂柳志取沈括詩米芾書刻石於堂之東壁清一大

統志

宋沈括浩燕堂詩并序嘉興太守番陽張侯德

甫重新西堂太守以重名宿學教治綏輯民樂其政歲

以大穰時引故人賓客燕於是堂而屬括名之括請名

曰浩燕而為詩一篇以見太守所以禮賓客美登臨之

意西堂昔日冷蕭條使君名高堂為高流紅碎璧動鑄

雕粉黛翁倏隨揮毫太守浩燕觴九牢門前過客羅百

艘檣榆煜煜欄亭昇切雲危冠控豪曹秋鶴霜毛飛錦

袍六鵲曳地橫金腰輕羅韜煙媚中宵緩歌閣舞雲

髻趙人手提千牛刀日視大騊如鴻毛太守巨筆如波

濤指畫風雲慘動搖佩牛帶犢如銷膏區區古人無是

超吳杭如脂噉百符連車折軸棄道交釜區區爭先走名

豪旋斡挈酒飛千舫社伯稱觥醜醜醜醜禾黍藏笙

簫太守浩燕樂歲饒豈徒割烹盈大庖

渙堂 在郡圃內東北 元至宋紹興中郡守王安道建李

孟堅改名眾樂嘉熙初知府史宅之重修名渙堂 柳志 宋史宅之修渙堂記郡後圃東偏舊有渙堂紹興間太守王安道所創也方六飛渡南公驅馳兵間歷變履險

者數矣其後南北講解上方樂天保民以生聚教訓從

事嘉禾去天最近民用和釋公之至於邦也不自意

其生乎憂患之餘一旦遂有為郡之樂羈懷感憤至是

殆若渙然冰釋者是雖皇天悔既世運推移其極必復

而嘉興牧守輯甯於方國則亦莫非君上賜也蓋名堂

之意昉此歲月漸老聞見不接後人榜之曰禾興則又

以郡之延見吏民具宣聖天子德意奉職循理夙夜不

實來始始見所於遊何所於燕居數月爬梳循理略見端

緒上下稍稍相安調度僅不至乏絕間從公餘與客登

斯堂顧瞻榭桷毀剝楹桷傾圮若將壓焉是年冬十二月

而新之且復其名曰渙使不廢其舊蓋是年冬十二月

也夫合一郡而言凡園池亭宇皆郡之觀也既以名郡

雖不以名堂可也惟艱難憂險之備嘗而優游佚樂之

驟適乃獨不日好惡不日去取各異後太守之意則不可

不存也若曰好惡不日去取各異後太守之意則不可

視昔抑余豈得以預計哉况夫人情事物之終始消息

循環之無端合者未有不離渙者未有不聚盈虛消息

之數流行於宇宙間雖智者亦卒無以易此在易渙之

六四近君之謂也曰渙有丘匪夷所思說者曰丘聚也

夷常也當渙散之時而能大致羣聚之功此非平常思慮之所及又必有先天下之憂而憂後天下之樂而樂者任此余以菲材試郡蒙被聖恩得不以罪去既幸矣而何敢以及此也敬書其實以俟來者倘存古之志同庶幾相與緝績之俾勿壞

平易堂 在郡治舊通判廳之東

坐嘯堂 在郡圃西偏

同宣堂 在舊府判東廳

志隱堂 在舊府判西廳今為織造局

順觀堂 在舊府判西廳以上至元志

六鶴堂 在府治後宋知州鄧根建其後知州徐巖於堂

北為雪窗外臨荷池大清一統志

荷屋 在郡圃後至元志

六鶴亭 在郡圃內柳志

嘯諾堂 在州治之西宋郡守沈括建名勝志案至元志不載嘯諾堂而

題詠門別收沈括秀州秋日詩至柳志始著嘯諾堂趙圖記即於嘯諾堂下附入括詩今以其詩本非題堂之作故從至元志例別著藝文

教簡齋 在舊府判東廳

秀遠齋 在郡治內

環聚亭 在郡圃內袁志作環瑞堂

最宜亭 在郡圃內以上至元志璇星樓東趙圖記

畱春亭 在郡圃內

京翫亭

在子城上

案柳志作景翫亭
趙志作翫景亭

翠涼亭

在郡圃內風月無邊樓下

趙圖記作
最涼亭

風月無邊樓

在子城上東偏舊名披雲

以上至
元志

紹興間

郡守方滋建即披雲閣更今名

趙圖記
雲樓記宣和四年春祕

閣曾侯自山陽移守嘉禾嘉禾在三吳為支郡封域儉
狹而物產饒衍居民敦本好約雅稱易治侯至因其俗
施教條數十示所禁勸民畏慕之相戒毋犯侯今越數
月政成從容語僚吏曰郡雖小然介江湖之間川舟陸
車孔道四出賓客之至無虛日顧其地洿下無高明之
居以稱游燕何以壯千里觀望蓋圖之先是內相葉公
道卿於子城西北築亭榜曰披雲後人更名樓其實亭
也庠屋三楹歲久且圯又西北其戶下瞰通鬪煙塵宛
轉於几席間非登臨之美侯乃以完堞工悉撤去故屋
其基增高培薄取材之無用者更南向為亭外施重檐
而敞之深明洞達丹碧燦然亭西挾以水閣曲欄橫檻
映帶左右它日與客登焉送天末之孤帆迎海上之遙

岑目力所窮與空為際更唱遞嘯觴酌行流神意徜徉
如在塵垢外信哉披雲霧靄青天僅足以方其快且適
也侯舉觴屬某曰茲游樂乎子為我記之某謂成敗哀
樂奄忽之變在物也物不可以為常顧我所建立有不
可磨滅者物則托焉以垂不朽此羊公所以興峴首之
歎也湛輩反自哀已不暇也登斯亭也徘徊四顧蓋吳
越交兵百戰之場而句踐夫差之爭雄也高城深溝有
荒田野草之悲穴狐狸而伏鱗鱗也其人骨已朽其事
可為哀也前年盜弄潢池兵薄吾城連三日夜民大震
擾天子至出禁旅討平之盜去而城完因得初亭其上
使吾輩一觴相屬是可樂也侯生於相家文章事業稱
天下設施當有大於今日者則名之傳山川猶且託之
不朽况斯亭乎故亭之成也情之哀樂有不言而侯之
功名為可勉也於是乎書 陸蒙老披雲閣詩城角巍
欄見海涯春風簾幕暖飄花雲煙斷處滄江闊一簇樓
臺十萬家 周邠和詩曲欄高枕子城涯雲霧披開眼
界花幾處橋橫流水巷朱樓畫閣幾人家 張堯同詩
茲樓當勝地高望極峻嶒欲覩青天色還須上一層

水香亭

在郡圃內下瞰荷池

垂芳亭 在郡圃內

玉明亭 在郡圃內 趙圖記作 玉明堂

射弓亭 在郡圃內亦曰觀德亭

平遠亭 在郡圃內子城上 趙圖記 作憑遠

元翫亭 在郡圃內子城上

來月亭 在郡治內舊府判東廳舊名花月宋倅張子野

創此亭取雲破月來花弄影之句 明王士龍花月亭詩 楊柳風神又著緋彩

毫曾此弄珠璣花開水面香流鏡月沁天心桂染衣三 影霏微甯幻象萬綠活潑鬪真機我來點蘸梅稍露化

作紅雲幾瓣飛 來月亭詩來月亭中月好來嫦娥隨 月下瑤臺欲從綠髻收金珥始以紅脣印玉杯勝地不

容桑海換仙情豈計世人猜一簾 桂魄三花冷並蒂香雲溼翠苔

嘯鶴亭 在舊東府判廳

碧漪亭 在舊西府判廳

雪香亭 在舊西府判廳

杯水亭 在舊西府判廳 以上至 元志

序賓亭 在子城內宋知州張瑜建 柳志

水鑑亭 在郡治宋本都曹建 姓名 失考

賞心亭 在郡治內宋通判陳寺丞建

議公亭 在子城上 以上 宋建 嘉興 湯志

臨津亭 在郡後圃 柳志 宋建 嘉興 湯志

利川亭 觀風亭 在子城端北 趙圖 宋知州張瑜建 柳志

野泉亭

朝宗亭

在子城北

趙圖記

宋知州張瑜建

嘉禾亭

在子城西

以上宋建

趙圖記

宋張堯同嘉禾亭詩五馬來何暮經營指

一彈石碑書近事留與後人看 案秀水縣署亦有嘉禾亭為分縣後所建

金風亭

在子城西

清風亭

在子城東

以上柳志

觀音亭

在府治子城上坤隅舊傳有魑見於此元季達

魯花赤八札建此鎮之

鄒志

益清亭

在府治中元至正間同知繆思恭建

嘉興湯志元僧克

新益清亭詩嘉興同知繆侯思恭既葺郡治復植蓮於治之後池作亭池上取周元公之言而名曰益清江左外史克新為作詩曰維秀之治有翼其亭誰其作者繆侯國楨維亭之址有池瀾瀾蓮樹於池有華蘿蘿華既

茂止其香芬芬侯日於茲惟香是聞侯既聞只懷彼周子格言是徵嘉名是紀維侯之德如蓮斯馨維侯之行如香斯清猗歟來者繼侯吏是來游來觀載求厥指載求厥指惟侯是師垂監無極邦人永思

嘉慶亭

在郡圃後極北郡守延祥建

柳志

呂原有記

詩頷毛多事欲成雪肺疾經旬不可風薄俸羈迷三畝趣苦吟消受一生窮山雲閣雨栖高崦野蝶尋春薄小叢長笑挂冠非避世廟廊經濟有豪雄

嘉山

在府治後圃嘉慶亭之後成化間知府金谿徐霖

塞池築土集奇石疊而為山公餘則吟哦其上文人墨

客賦詠者以歐陽公治滁擬之

鄒志

明許恂如嘉山詩不因五馬忘巖棲疊

就芙蓉小院西隱隱山林在城市深松細雨聽黃鸝

春臺

在郡治東舊通判廳

柳志

葵嚮閣 在郡治東舊通判廳

璇星樓 在郡治內東偏宋建以上至元志

近民樓 在郡治西舊通判廳子城上至元志 宋建

天王樓 在府治西子城上宋建炎間建元季燬案括異志建炎

中金兵南牧蘇秀大擾將屠之有天王見子城上若數間屋大兵卒望之怖懼遂引去一境獲免亂平建樓西

清香樓 在府公廳後清香堂之上宋建以上嘉興湯志

懷蘇亭 在府治東子城上宋建與蘇小墓相望故名後

改朝陽樓 馮李詩繫注 宋張堯同詩猶使樽前客常懷沒後名好風吹遠籟如有笑歌聲

五顯祠 在府譙樓舊五顯祠宣德間知府齊政緣事至

囹圄見有古柏一株仆地因取裴元帝像居樓正間以

障邪魔鄒志

竹寓軒 在府推官廳署中劉志

凝香亭 在府署內康熙戊寅池開瑞蓮知府黃家遴建

憩亭 射圃 在察院行臺內劉志

旬宣堂 布政分司公廳

澄清堂 按察分司公廳以上柳志

嘉興縣

小心亭 在縣治後東北宋建

樂全齋 在縣東北宋皇祐中主簿王存建以上袁志

春風亭 春雨亭 近雅亭 一作宋建 趙圖

換衣亭 在縣治宋建 案原注又一在府治西北舊天慶觀東宋建似當時有二亭嘉興何

志及袁志皆以天慶觀東之換衣亭列入署中古蹟今依湯志列而為二其在天慶觀者另詳古蹟

片玉齋 在堂後之左知縣鄭振先建

凝芬亭 在縣宅內 以上嘉興湯志

來鶴軒 在凝芬亭西 嘉興何志 錫山龔勉書 湯齊有記

協和堂 鹽捕公署理廳

誠求堂 鹽捕公署後廳 以上嘉興湯志

案嘉興何志以樂郊亭列岫亭仙鶴亭列於公署考樂郊列岫二亭俱在滌湖之南不應混入署中其仙鶴亭未詳其處附識於此

秀水縣

嘉禾亭 在縣治後圃 柳宋建久圯

國朝康熙十四年三韓于珽重建 秀水任志

秀水亭 舊在府子城西南宋建今移建秀縣署內

月波亭 在縣治後圃 以上柳志

月波軒 在縣治內宋有月波樓久圯明天順初知縣莊

澈重建

惜節堂 在縣治內明崇禎間知縣王養正建 袁志

瑞芝堂 丞衙治廳

清惠堂 在丞廨後

和中堂 丞廳後堂 以上秀水任志

嘉善縣

燕休堂 在縣治廳後 柳志

思過堂 在燕堂右

再思堂 在燕堂東

應星堂 明宣德五年將建縣署有星隕為石即以石處

為公堂嘉靖間重建因名堂曰應星

帥正堂 察院行臺之堂 以上嘉善章志

海鹽縣

思魯堂 在縣圃之西以魯宗道作宰於此故名 大清一統志

紹興元年邑令歐陽延世建紹興二十年令祝閔以秦師垣嘗肄業縣宇改名將覺後令林仰易名相隱紹熙元年令李直養禱雨有應改名喜雨後以魯公不可沒

仍易景魯 海鹽圖經

道愛堂 在治內至元戊寅縣尹王澤立 案海鹽仇志一作遺愛堂

雙穗堂 在治內邑令史彌迥立 以上至元志

燕鹿堂 在縣治內宋時建 趙圖記

帥正堂 元泰定乙丑海鹽州知州王協中同知張邁為

監使李蘭奚立 浙江通志 廳事元名 元陸居仁建帥正堂記自秦郡縣天下至皇元

有國海鹽得縣最古元貞乙未詔江南五萬戶縣陸州重民數也惟海鹽得縣名最古為戶六萬厥等應中州

是歲始革縣秩而廳治仍舊貫規模湫隘歲月彌遠前賢無經意者泰定乙丑達魯花赤朝散李蘭奚公來長是郡越明年理甚無事喟曰官宇宏狹當視秩次崇卑海鹽以州名而廳宇尚循縣制於州陸未稱縣是州東薄海微不出一里間又地無廳驛凡一使將命必館於廳之阿室壁耳訟庭敲扑喧囂每襄君使顧其宇非深廓無以安使臣之尊非壯偉無以重瀕海之鎮捐已資趣改觀恐後初浮屠氏苦於棘苛公至保障之安於無擾久德公政以公苞苴不入無謀施報至是天甯首僧梵芳與徒曰公素以廉自持今重為公家費於吾徒安乎且吾教尚施子與其積生民有用者有餘於吾徒而無所用孰若急公家之義以報公之德與於是率城之十上院僧師隆輩請公曰公無難堂之成公倡厥始某當相厥終公義其向方遂唯其請於是同寅較既稟之稱以協其謀浮屠哀衣鉢之羨以助不給土木具興百工走集榛蕪者翦之污下者崇之始自泰定丙寅夏迄是年冬十月堂成衡者廣五間縱者深三室厨之廣數如縱室堂有寢處厨有庖湍縹黝室不侈不苟由是使之至者有館民之具瞻益尊僚屬相揖土庶咸悅公命斯堂曰帥正取仲尼子帥以正孰敢不正之義示以

身先之以公相種也視公之政廉昭於人而謙以自牧仁孚百姓而強梗必鋤弭蝗而禾稼無犯禮士而學校相勸之才之美固能克世其勳也登斯堂者當知公作堂之志其闢故址美輪奐益隆德業而恢容量革其舊染以新浙民也豈徒燕閒休處之適哉後之來者則有所取也泰定四年歲在丁卯

清心堂 萬歷初邑令饒廷錫建

雙瑞堂 萬歷間知縣李當泰奏最日神芝產於靈佑宮

又野人以禾之一莖兩穗獻因以名其堂

教神芝頌曰於昭太清監茲下土奕奕神君惟民是佑春雲等潤朝曦媿煦五稔知廉三異邁魯於菟在檻遊魚雲釜嘉績既成式歌且舞乃眷靈佑芝產雕梁竹園精舍檀山淨鄉六英並挺三秀聯行甘露為液卿霽為裳琉璃吐燄火齊敷芒光搖寶鬘秀映星裝猴池散采龍窟分香丹燈星煥黼帳雲藏靈宮不夜香域彌芳神超有色現出無量元氣之精清和之幹象太微體參二曜觀筵蒲生虞華萍啟旦匪公神明天將有煥紀茲芳

懿永留
玉版

秀野堂 在鮑郎場鹽課司署宋嘉定中司鹽茗溪朱俯

立堂中設米老畫蔡邕焦琴澉水姑蘇周應旂重修

圖經 宋常棠記鮑郎鹽場鎮舊解也廨西一室匾曰
秀野堂堂之外有青樹翠蔓凄神寒骨如英雋之排列
者有龍蹲虎踞岳嶽靈霸如珪璋之挺特者有方臺中
址蟠回詰曲如前村後墅之通行者有駟毛集羽斜窺
澹如如甌吟越語之不羈者堂之內有騷人墨客獻瑰
吐奇如壺鑑之清瑩者有牙籤玉軸裁綺純繡如河漢
之美麗者有米老說畫風溪煙嶠如夜竇秋色之曠逸
者有蔡邕焦桐高山流水如叢篁聞佩之邃幽者堂之
上遙岑寸壁石劍泉神可夢而思枕簟入林之僻雲卷
下蒼苔依砌花影畫簾可醉而思枕簟入林之僻雲卷
空舒月桂霜蟾天宇修眉斗牛璀璨時則三光五嶽之
氣恍乎盈日疎風暮雨榕籟琴續隔牆謹呼樵牧倡應
時則干林萬壑之寂洋乎充耳然則秀野得名宜哉是
名之立嘉定癸未茗溪朱君俯始分專員區之未幾頽

壁敗雷相繼摧毀越十五禩姑蘇周君應旂退食慨曰
吾甯捐俸起廢何其倣例弗為於是鋤莠削蕪藝梅畚
竹重楹列甍葢瓦級磚丹如也堂成迺定奧寢迨政書
宇靡鳩靡斂次第塗腹視舊廨改觀矣雖然西峯秀野
不遇魏侯家法名世則傳舍其官府蕞爾亭民榛蕪莽
沒於靈芝乎何有今吾周君傳山房之芳拾世科之芥
故能不日之間而萬木向榮胸中邱壑當不在魏
侯下有使秀野專美西峯嘉熙己亥夏五既望

澄清堂 在按察分司內海鹽仇志

三賢堂 在海砂場鹽課司海鹽圖經三賢堂碑記略

土輕揚厥水渾鹹凡蒞政者猶酌貪泉罕逢廉吏風土
所召也至治三年李公仲彬來尹是邦暴傲革面歌謠
載途孛蘭奚公處其右察邇洞遐奸究僉得其情疇昔
載途孛蘭奚公處其右察邇洞遐奸究僉得其情疇昔
速忽廉幹寡欲能潔其躬程先課最民不煩擾或為暴
虐令有司誅之餘頑自化三君子者亦可云關於風土
乎遺愛去思宜宣金石垂憲於後云 案
此碑記自為鹽場官立借佚其姓名矣

時阜堂 在宋鎮解之東廳監鎮傅朋壽題匾

美固堂 在水軍寨宋淳祐九年統制邢子政立以上激水志

邢子政記余領軍事越三載舟楫器械視昔具備一日暇登高望遠兩山橫倚巨海浸盪營壁中立若龜之伏焉門關三面如尾如足東首而猶垣之無迺形勢有未全乎詢諸宿老答曰陰陽所忌者卯風也當闢複室余應之曰此宋識變通者也使益墻仞而臺臺之上而屋則有形勢之備無卯風之嫌其不可乎哉眾皆曰然於是度材募工築室構堂欄楯真景晨光溼翠夜影涵壁師休役簡當知與眾同樂其不在茲乎是堂也於以全此營之形勢而山海也又以壯此堂之形勢故以美固名者美哉山河之固昔武侯語也余是取焉落成之日淳祐庚戌六月乙未二十六日庚申

深樾亭 在縣治內旁依喬木下瞰清池宋李直養取韓

愈詩宰縣坐深樾為名大清一統志

移風亭 在縣東南尉廳之南宋景德間邑令翁緯建夫

子廟廟南鑿池池之陽作亭名之後廟遷亭廢靖康元

年尉黃唐傑以廟址建尉廳

綺川館 舊移風亭址宋淳熙八年尉趙善沛以亭址建

此館方瑜修之匾曰綺川以上海鹽圖經

弦風亭 在激浦鎮東宋鎮官稅所海岸收稅之地紹熙

間監鎮葉樾建名曰觀瀾寶慶三年監鎮趙潛夫改今

名海鹽仇志

宣詔亭 在激浦鎮前端平六年監鎮張思齊立激水志

閱武亭 在長墻山上宋開禧丙寅統制王復古立海鹽圖經

望月亭 在海鹽縣治內宋時建趙圖記

玩月亭 在澉浦鎮監稅解內宋端平三年監鎮張思齊建

建

雙柱軒 在簿廳南宋紹熙三年簿陳震之建紹興五年

吳天民重修以上海鹽圖經

柏泉 在簿廳旁泉上有柏取名海鹽徐志

清節軒 在丞廳東偏前有竹宋紹興三年丞李益建洎

熙已酉正民李直養初為丞復之鐫識詩於壁間海鹽圖經

李直養壁記海鹽貳令見於史傳惟唐陸愬一人五代前不置丞簿太平興國元年歸版圖於國朝後置丞焉洎熙丁未直養員丞茲邑問前人了無知者僅因紹興改元緝諸名氏得二十有二人鏡名龕置於壁間俾

來者有考焉已酉歲除識詩云新種修篁翠葉稠凜然清節坐驚秋官曹正類崔斯立風味仍同王子猷暫卻鷺鴛容退食他時鸞鳳小遲留吟哦自是名家事我亦身閒媿食浮

熙熙臺 在縣圃東偏案嘉禾志舊名月樓宋令李直養

易今名海鹽仇志

平湖縣

應宿樓 明正德十五年知縣郭天錫建

觀月臺 在縣治廳後以上平湖程志

古藤書屋 在後堂西自明宣德中建治卽有之蓋數百年託根於此藤西隅有屋三楹舊額曰古藤書屋平湖張志

親賢館 明嘉靖三十一年知縣楊挺高建

三式館 在延賓館左巡捕廳天啟丙寅改為三式館上以

平湖 王志

石門縣

南亭 在今縣內史記元封元年封轅終古為禦兒侯孟

康注云吳南亭也 崇德 洪志

讀書堂 在舊縣宋令黃元直取韓詩出宰山水縣讀書

松竹林

清心堂 在縣治西圃

秋芳堂 問梅堂 澄碧堂 在縣治內 以上趙圖記

平易堂 在縣治內宋乾道中令葛邠建 宋杜申平易堂記申聞古人有

言曰天下本無事庸人自擾之以為知此則知為治之道無他術焉不擾而已撫民若烹小鮮擾之則潰御眾若牧羣羊擾之則亂此理較然可見矣且治出於郡守縣令令之職與民最親豈不知愷悌之化原於此乎然世有能吏有良吏雖為政不同同期於治而優劣有間矣或者擅聰明而變故常任術數而尚察慧立威名而峻刑罰務在出奇立異以希旦暮之功能則能矣又安知良吏之用心邪世之人徒見其在位典職為無為事無事酬酢應接漫不介意及其功成效立然後知其不求顯顯之名志於善俗安民故也夫以簡冊所載參訂所為有可得而言者大率裁決有餘裕不必戴星以出也俛仰無愧作不必祝嘏以禱也罰當其罪不必伏臘放囚也事摠其要不必祝嘏以禱也罰當其罪不必伏臘民化何在於路不拾遺安居樂業之俗成何在於市令作屋彼皆飾虛文此則收實效孰優耶孰劣耶禦兒為邑湖水上游公舍有堂名之曰平易蓋知治道所以然也乾道二年秋八月右從政郎青陽葛公捧檄抵官利去圭角豁除崖岸以樂易處心以儒雅飾吏略煩碎而舉其大綱示敦篤而鎮以至靜未旬歲間民不駭政俗皆安堵垢簞牒寡園屏草生市無喧鵲之驚野有馴雉

之異綽然得循良之稱而平易之政固行矣噫觀人者見其所已為信其所未為昔陳平宰社知有宰天下之心謝幼度履屐得其任知有將三將之略公豈直百里之材而已邪匪特善政聞於四遠達於九閩擢居臺郎給官舍之聯推簡易之理茂昭賢人之德業左右聖主恢張治具不必舍蓋公於堂而清淨之化可覃及海隅矣曹參在齊而國父安在漢而民甯壹用此道也公其有之三年正月壬寅初六日丁未

清風堂 在尉解之東宋紹興中建以上崇德洪志取李白贈瑕

邱王少府清風佐鳴琴寂罕道為貴意崇德靳志

可愛亭 秀野亭 在縣西圃並宋令黃元直建崇德洪志

臨賦閣 在清心堂西圃中崇德靳志

宣化堂 布政分司之堂

思愚亭 在布政分司

澄清堂 在按察分司以上柳志

語溪亭 在縣治南宋建袁志

桐鄉縣

愛棠軒 仕學齋 軒在縣治中堂之左齋在縣治中堂

之右俱成化間知縣梁敬建桐鄉徐志

宴喜堂 在治廳後宣德中知縣趙中建

旬宣堂 愛物亭 在布政分司內

肅清堂 在按察分司內以上柳志

歷代廢署

秦

由拳廢縣 秦改長水縣曰由拳漢因之孫權改曰禾興

而由拳之名隱 方輿紀要 由拳 在府治南 袁志 太平寰宇

記謂故由拳城在今嘉興縣南五里袁志殆據以為說

然城經淪陷則廢治亦莫指其處也吳志云由拳廢縣

漢 司鹽校尉 漢吳王濞置司鹽校尉居馬嘯城 太平寰宇

海鹽舊治 秦於武原鄉置海鹽縣 水經 順帝時陷為當

湖大旱湖竭城郭之處可識 後漢郡 永建二年移治故

邑山晉咸康七年移縣治於馬嘯城 宋武原志 海鹽

馬嘯城

晉 嘉興屯 晉建武中高史君出為鹽屯校尉領兵三千屯

田於此 至元 志

唐 嘉興屯 在縣東十八里 柳 唐廣德中浙江有三屯嘉興

其一 方輿純要 唐李翰嘉興屯田紀績頌禹平九土

未嘗不率由斯道底慎其業故登平足以厚生殖禍難

解以定凶災未有易此而能理者自天步多艱兵連不

惰遊編版之戶三耗其二歸耕之以嗟札死者暴露亡者

官吏卒眾於農人古者八家為鄰一家從軍七家隨之

乃以一夫家食一伍一餘子衣一卒師將不立人將不

莫出乎屯田廣德初乃命相國元公倡其謨分命諸道
 節度觀察都團練使統其事擇封內閒田荒壤人所不
 耕者為之屯求天下良材善政以食為首者掌其務屯
 有都知羣士為之都知有治即邑為之官府官府既建
 史胥備設田有官官有徒野有夫夫有任上下相維如
 郡縣吉凶相恤如鄉黨有誅賞之政馭其眾有教令之
 法頒於時此其所以為屯也雖天下命吏股肱贊之至
 於宣上命齊下力經地役制地事辨土宜均土法簡穡
 器修稼政陳三壤之種而敬其始考九農之要而成其
 終則都知之職專達其事焉詎可以非其人哉浙西觀
 察都團練使御史中丞兼吳郡守贊皇公王國大賢憂
 公如家慎擇厥官以對明命浙西有三屯嘉禾為大乃
 以大理評士朱自勉主之且揚州在九州之地最廣全
 吳在揚州之域最大嘉禾在全吳之壤最腴故嘉禾一
 穰江淮為之康嘉禾一歉江淮為之儉公首選於眾獨
 當之任有寬簡惠和之德知艱難勤儉之事政達乎本
 智通乎時仁愛足以結下機權足以成務嘉禾土田二
 十七屯廣輪曲折于有餘里公畫為封疆屬於海濱其
 畎澮達於川求遂氏治野之法修稻人稼穡之政芟以
 珍草剔以除木風以布種雨以附根頌其法也冬耕春

種夏耘秋穫朝巡夕課日考旬會趨其時也勤者勞之
 惰者勸之合耦助之移田救之宣其力也下稽功事達
 之於上上制祿食復之於下敘其勞也至若義感於內
 誠動於中徇國忘家恤人猶已野次露宿簞食瓢漿盡
 四體之勤趨一時之役大寒栗烈而猶執礮鼓盛暑赫
 曦而不傳車蓋如登高去梯與之死生投醪均味忘其
 饑渴然後知仁義之政必見於耕穫井田之法可施於
 甲兵夫如是人將竭其力地將盡其利天將與之時自
 贊皇為郡無凶年自朱公為屯無下歲元年冬收入若
 干斛數與浙西六州租稅埒朝嘉厥庸授廷尉評公又
 稽氣授時如前代法有白雀集於高豐屯廩蓋大穰之
 徵也屯官某乙等聚而稱曰初公為屯人有二懼焉邑
 人懼其暴屯人懼其擾今溝封犬豕而不相侵疆場日
 履而人不知徵稅此德加於人也古者智效一官政修一
 鄉猶歌之詠之詠之手之足之况朱公之績如此其大者乎
 遂相與斷珣珉表阡陌南陽太守豈專刻石之功桐鄉
 嗇夫終踐大農之位其辭曰茫茫九區陽九之災兵荒
 瘡札田卒汚萊天步未移連師滿野不耕不穫仰食於
 下嗷嗷遺人餬口餽軍帝曰子憂爰立其屯且戰且耕

古之傳經辟師祇肅王命是將嘉禾之田際海茫茫取
 彼榛荒畫為封疆朱公蒞之展器授方田事既飭黎人
 則康我屯之稼如雲漠漠夫伍基布溝封綺錯朱公履
 之勸耨趨穫稂莠不生螟螣不作歲登億計徵寬稅薄
 息我烝人遂其耕鑿我屯之餘如京如坻嘉量是登方
 舟是維贊皇獻之達於京師飽我六軍肅將天威畝踞
 於溝溝達於川故道既堙變溝為田朱公濬之執用以
 先浩浩其流乃與湖連上則有塗中亦有船早則溉之
 水則泄焉曰雨曰霽以溝為天俾我公私永無饑年公
 田翼翼私田疑疑不侵其畔不犯其穡我倉既盈爾廩
 維億屯人熙熙邑人怡怡不擾其務不干其時我無爾
 異爾無我欺我有官屬朱公訓之我有徒度朱公恤之
 我有眾役朱公率之我有微功朱公序之起於田中
 印綬纍纍何以況之福祿如茨何以久之刻篆於碑

嘉興監 海鹽權鹽唐置監嘉興領之 海鹽圖經 唐顧
 利用阜財足食國之本也天寶末天下兵起乾元初上
 司奏議宜以鹽鐵之職摠以社稷之臣幹乎山海之利
 以富人准海閩洛其職摠以社稷之臣幹乎山海之利
 貸恒賦實乎大內大臣奉法為事選人拔其賢幹昇於

憲署以宣原隰光華之寵趨其署者如好鳥之棲茂林
 相國劉公嘗以大監小州不相若也故其職員不忝乎
 爵秩其刀布必倍於租入渤海高君日倫世以勛烈緩
 步闊視胸襟洞開中有方略不循進級故一廷評於茲
 二紀傾酒定交擲金市義不餌不仁之粟前使張侍郎
 滂王尚書緯摠其卜式宏羊之計遂有採山煮海之役
 十年六監興課特優至是未期從百萬至三百萬監人
 賈人各得其所故端介之節風采自高繼夫漕運波委
 陸溢此天下之利器也可示人乎夫以步光莫耶切玉
 如泥荆鐘無聲不以一割均其銛鈍君子以知人則哲
 無德不酬鴻飛九霄驥騁千里前秘書省著作郎顧
 況美使臣之得人貞元十七年歲在辛巳正月朔

甯海鎮 在海鹽縣東唐天寶十載太守趙居貞置宋淳
 化二年移置今廢 至元 在縣東一里元 海鹽圖
 海鹽圖經引吳郡志開元五年刺史張珪奏置澉浦
 鎮又引至元志唐時惟嘉興華亭海鹽有鎮將至錢氏
 有國始置澉浦鎮遏使今考再續澉浦志云唐設鎮
 將副各一員公廨田五頃是唐時澉浦亦有鎮將矣

宋

嘉興貢院

在北門內眾安橋之西

至元志 案開臆括 異志嘉興貢院原是

州學浙江通志引之誤作海鹽州學宋 陳造有八月晦嘉興試院詩見本集

漕運司治

在府治東北一百步當瓶山南今為守禦千

戶所 趙圖 記

節推廳

在郡治西南三十步元為管軍鎮撫治

柳志 宋王持

屋節推廳碑記中興駐驛吳會嘉禾為三輔郡土沃水深而其俗庶地大人眾而其事繁乾興盛時已號難理則今之所謂難蓋倍蓰於乾興矣吁盍亦反求諸心乎乾父坤母同賦此形同稟此性雖賢愚易習貴賤易分而趨利避害愛生惡死之心未嘗不同也經曰若保赤子心誠求之雖不中不遠矣赤子之身父母之身也饑渴痛痒未能自言其意乳哺拊摩深體密察切於真誠非有所為而為之故父母不能一息忘赤子赤子不能

一息離父母其相依而生相感而契亦謂求之此心焉爾為民父母而以父母之心為心民之懷之猶赤子之心懷父母矣夫何難理之有自世變而趨下賦役日重獄訟日滋民吏相仇上下交急長民者精神念慮專於簿書錢穀弊弊焉日不暇給綜覈愈密督趨愈苛鞭笞之聲在府庭愁歎之聲在田野惟見其可薄可鄙不見其可矜可愛所為忠厚和平之福隱然為根本深長計者無餘味矣抑豈其心之本然哉此心苟存私欲不累惻隱流動以天地萬物為一體四海之大即吾身也况千里乎夫如是然後可以為民父母持屋是以有感於太史成公所以敬刻諸石以事斯語咸清己已三月朔日

澈浦監鎮解

在安定橋西紹定壬辰監稅羅叔韶建端

平三年錢塘張思齊增建

海鹽 圖經

鹽場初攝鎮務嘉定中

始顯官又詔今後鎮官免以鹽場繫銜

澈水志 宋張 思齊澈浦鎮解

舍記鎮治舊是兼職初在永安橋西嘉定十二年內朝 紳有請增置靡有定寓四明羅文林叔韶司鎮於此紹

定壬辰始置民產於丁家橋東傍有小港開而通之僅
建正廳穹堂而已癸巳孟夏思齊實為之代亦傲岷屢
以居慨念親民之官司旅之職聽訟徵稅觀瞻係焉曾
未兩月亟廣前規鳩工度材分毫擾於民由是宣詔
有亭戒石有銘榜示有房俱列於外廊庶吏舍翼乎左
右廳之夾屋分爲二塾區以肅賓倒屣添買鄰地以爲
東廳中闢一戶以通東廡循廊而趨則有看街之所由
門而入則有翫月之亭堂宇峻聳房室得宜東西小閣
寒暖隨處以致庖湏之類纖悉備具申明前政郡守喜
而給榜蠲其牙皂之資除其元輸之賦自落成以來雨
陽時若戶口日繁民與軍而相安商與賈而共悅俱日
澍川當由此而益盛矣幸拭目以觀之端平三年上巳
日

青鎮監鎮衙 在普靜寺南宋鎮官所居淳祐間圯景定

二年鎮官陳子榮重建至德祐丙子後衙廢烏青鎮志

在城酒務 在郡治北五十步熙春原屬酒庫故坊亦名

熙春至元元爲驛尙有驛橋之名嘉興湯志

新城酒務 紹興初曾魯公丞相時待浙西帥幹闕權嘉

禾新塍稅清波雜志至元志新城又有稅務

魏塘酒務 在嘉善慶豐橋北劉志又有稅務柳志魏

海鹽酒務 在縣西七十步海鹽圖經

石門酒務 在縣東北一百五十步宋建崇德黃勉齋曾志

監石門酒庫其申提領劄云石門爲酒庫之首袁瞻軍志

酒庫卽黃幹所監者趙圖記吳越天下富京畿遊俠鄉隴畝皆

膏腴第宅多侯王世言蘇湖熟霑溉及四方自來石
門觸目何淒涼凌晨開務門有酒誰復嘗累累挈妻子
汲汲求糟糠父老稱近年十載常九荒聚落成邱墟少
壯多逃亡案至元志崇德縣酒務有在城者有在石

門青鎮者新志在縣東北一百五十步者宋之酒務明初改爲課稅司後廢宋黃幹所監者在石門鎮今屬桐鄉縣地幹有監石門鎮酒庫碑記近時濬河得之詳金石

青鎮酒務 在通安橋南宋景定元年迪功郎酒正吳子之建德祐丙子後廢爲官地稅務在眾安橋德祐丙子後遷安利橋南爲酒醋稅務收兩鎮稅課烏青鎮志

公使醋庫 在縣東南一百步宋建崇德新志

青鎮酒庫 宋慶元間建烏青鎮志明宏治中青鎮居民掘地

得酒甓甚多相傳舊有瓶山正庫基也桐鄉徐志

澈浦酒庫 昔在歟城後遷茶院去鎮西一十二里

澈浦子庫 紹興初有鞠姓者抱倅廳緡錢繼屬漕司庫

官兼之因立子庫於市淳祐八年增創新樓以上澈水志

當湖務 在縣治西趙圖記宋寶慶二年設明洪武初改稅

庫局海鹽仇志

廣陳務 在縣東二十七里趙圖記宋寶慶二年設明洪武

申改稅課司海鹽仇志

海鹽在城稅務 在安仁橋西四十五步舊彰慶館址紹

興五年監稅解廢建案趙圖記西關大柵橋南元爲稅務課

澈浦稅務 在安定橋西紹定壬辰監稅羅叔韶建以上海鹽

圖經柳志元爲澈浦務明洪武三年改稅課局

市舶場 在海岸淳祐六年創市舶官十年置場澈水志

澉浦收稅亭 在瀕海收稅處紹興間監稅葉越建海鹽圖經

宋監鎮魯焄稅亭即事詩林居懶出二十年試吏強書中下考青山自覺見人羞白髮真成被官惱葛山坐對日無聊奈望閒看雲卻好潮聲自為訴不平誰念詩人愁欲老

石門收稅亭 在縣東宋建崇德新志

魏塘巡檢廨 在嘉善治宋置巡司大清一統志

故邑巡檢廨 在縣東北五十里獨山南宋元俱名故邑

巡檢司海鹽圖經

元

錄事司 在郡治西北二百步宋監倉東廳至元志

漕運司 在府治北二百步柳志

鎮守萬戶府 在郡治東二十步舊府判東廳也至元志案吳

為龍再續澉水志澉浦鎮亦有中萬戶府今名舊察院趙圖記

浙江鹽提舉司 在府治西南一里半舊納鹽場也至元志

兵馬司 元置三廂置兵馬司治城內兼巡徼之事柳志

宣慰司 在澉浦鎮元有宣慰及市舶等官後改鎮守即

宣慰司也再續澉水志

新城務 在縣西北二十七里柿林鄉新城鎮洪武三年

改新城稅課司局嘉靖間罷柳志

風涇白牛務 元置大清一統志在嘉善縣治東北二十四里

風涇鎮明洪武三年改為稅課局正統二年裁嘉善楊志

陶莊務 元置 大清一統志 明洪武三年改為稅課局正統二

年裁 嘉善楊志

陶莊巡檢司 陶莊元置巡司

風涇巡檢司 元置巡司 以上大清一統志

魏塘巡檢司 白牛巡檢司 王江涇巡檢司

新城巡檢司 蘆漚巡檢司 以上至元志

明

鹽運分司 在察院西即招提寺址後改楊公祠又南為

寶花倉 袁志

察院行臺 在子城西北百步廣平橋南 趙圖記 即慧安寺

址明嘉靖間建後有烏臺 袁志 今廢為營兵習射之所 吳志

明陸深嘉興新建察院記略我朝御史列居兩京皆謂之十三道各統以都察院道視十三省南北盡同而謂之浙江為之首其制然也御史凡奉命而出所至則謂之察院匪若六曹諸司各以本曹繫其體然也是故御史職任肅僚貞度察院得專達上下維地維人固兩重哉嘉靖五年中秋日嘉興府新作察院成嚴整壯麗甲子兩浙嘉興浙首郡也凡御史至入境按治與御史按浙庶政維新乃以嘉興守蕭侯世賢為才蕭侯謀諸貳守王君大化將改作察院以繫體制爰瞻城中得廢寺一區相與規畫以授諸匠氏會公代去御史胡州盧公問之實來睇視規材因以議於分守參政胡公誨之胡公曰宜為計永於時參政朱公應周僉事喻公誨之胡公曰汝建史公文材先後行部至胥相之垂成會盧公以憂去既乃訖工是役也費出於羨耗工成於雇募役徵於優隙以金計者六百有四十五兩有奇以日計者三百有三十以工計者九千四百有九十為室五間崇二十四尺贏廣七筵深五之三翼堂而左右之者為室公署二

嘉興府志 卷一
各二堂之前為露臺覆露臺者為軒棚為房以處案吏者列之東西各五間候隸房亦如之引堂而後者為穿堂五間後堂亦如之間為臥闈者二為烏臺三間臺之崇四尺為書房十間居廳堂東西之際為生吏房三間門有儀墀有級庖有所逼有牀浴有室溷有舍書房之東西偏各有隙地焉西為圃可射東為亭可憇亭之南為池可臨總之為地十有八畝南北四十有八丈東西三十有三丈總之為屋八十有三間經始於四年十月之望佐之通判李君源與董君琦張君佩推官南金而王君大化實終始之

布政分司 在府治西北半里元為廉訪司洪武初為嘉

興倉永樂中改為織染局正統間建柳志

按察分司 在治東北靈光街趙圖記明嘉靖中倭變改置

帥府吳志

理刑廳 在府門內左趙圖記即舊察院基初在府治內西

偏後移府廳之東北又移於承宣坊東袁志

知事署 在馬道右趙圖記明崇禎中裁袁志

檢校署 在馬道之右

百戶所 在千戶所東

鎮撫司 在百戶所東以上趙圖記

河泊所 在圓妙觀東明洪武中設崇禎中裁改為馬鳴

王廟

兵馬司 在西城門內

弓張局 即軍器局在織染局西以上吳志

杭嘉湖道署 在府治西北靈光坊舊為按察司後改嘉

湖分巡道署吳志

國朝康熙六年巡道奉裁九年復為道署二十五年改為學

院行署雍正四年杭嘉湖三府專設分巡道學院行署

仍為道署歸本道駐劄浙江通志乾隆二十四年杭嘉湖道

因兼管海防移駐海甯遂圯廢伊志以上府城

貼堂丞署 在縣堂西北明崇禎間裁袁志

鹽捕公署 在縣學東

稅課司 在王家坊務前橋北堍以上嘉興湯志即元時惠民藥

局吳元年改建崇禎間裁袁志

天星馬場鴛鴦相家四湖河泊所 在府東三里春波門

外洪武初止用船隻無廨宇十四年開辦總旗王友興

等改建十六年始設所官署事而辦課焉柳志

社約所 在東津亭北舊為靈光庵明集民宣讀聖諭之

所萬歷己亥鄭振先建嘉興湯志以上嘉興縣

杉青閘巡檢司 在縣東北望吳門外五里秀水任志雍正間

裁伊志

王江涇巡檢司 在縣東北三十里秀水李志缺裁秀水任志以上秀

水縣

察院行臺 在治西正統六年建嘉靖三十三年倭燬重

建嘉善章志

布政分司 在嘉善縣治西正統六年建柳志

按察分司 在治東宣德六年建

兵馬司 在西城門內

魏塘稅課局 元為務以上嘉善章志明洪武三年改設十八年

徙建正統二年裁今為思賢書院基嘉善楊志

貼堂縣丞署 在縣燕堂左嘉善章志後員省嘉善楊志

巡檢司 在縣治東城外演武場東明初建嘉靖間燬嘉善

崔志以上嘉善縣

按察分司 在布政分司西舊在縣東一十步洪武十七

年改為縣治二十一年移建於此

布政分司 在縣南一百五十步正統七年倭變布政使

參政一員奉勅專一提督海道而設今改為參將府上以

柳志

總司行署 在慶壽寺右海鹽圖經

衛經歷司 在衛正廳東海鹽仇志

衛鎮撫廳 在衛儀門外柳志

浙西參將署 在興廉橋巷內海鹽圖經

左千戶所 在衛儀門外海鹽仇志舊制左右中前後五

千戶所在衛西始自洪武十八年開設撥後千戶所赴

乍浦備倭今本衛在城止有左右中前四千戶所設百

戶十員俱有解宇柳志

澉浦千戶所 明洪武十九年安慶侯榮陽侯度地築建
二十二年建倉屋三十年復增置新倉四門譙樓嘉靖
中重建

所鎮撫廳 在澉浦千戶所內以上海鹽仇志

縣倉丞分署 在北門內海鹽圖經

澉浦巡檢司 在德化鄉十三都秦駐山北洪武二年設
置在澉浦鎮德化坊七年遷於本鎮安德橋十九年因
本鎮設千戶所遷於此柳志

海口巡檢司 在縣東北一十八里舊在東門外海塘邊

洪武十九年因設海甯衛遷於此柳志後徙砂窰村

把總司 在乍浦城中嘉靖九年建二十二年修以上海鹽仇志

以上海鹽縣

布政分司 在縣治西二百步正統六年縣丞周亨建

按察分司 在縣治東五十步宣德七年縣丞孫華建以上

柳志名東司

兵備司 在縣治東南一里舊福源寺址嘉靖三十四年

知縣劉存義建名南司以上平湖程志

乍浦河泊所 在縣東南二十七里元為市舶司洪武十

四年建明浙江通志宣德中裁海鹽朱志

乍浦稅課局 在乍浦城中宋為乍浦務洪武初改今名

十四年大使陳友信重建海鹽仇志

乍浦千戶所 在乍浦東門內海甯仇志洪武十九年信國公

度地築建

乍浦後千戶所 明正統七年千戶李亨通建嘉靖三十

三年指揮李元律重建

梁莊指揮司 在乍浦城北十里正統二年建以上海鹽仇志

海甯衛後所 在東門大街乍浦所西九山續志明正統七年

千戶李亨通建海甯衛志

察院行署 在縣東五十步洪武初知縣田慶元建萬歷

已丑燬辛卯知縣王述古移預備倉為之崇德新志

布政分司 在縣東南三百二十步運河之左

按察分司 在縣東五十步洪武七年建以上柳志

石門稅課局 在石門鎮東柵趙圖記即宋酒稅務洪武中

建正德初裁崇德新志

河泊所 在縣東南二百步運河之左後改為分司崇德新志

縣丞公廨 在廳之西柳志嘉靖中改建

國朝康熙三十一年缺裁石門鄭志

治農縣丞公廨 在廳之東柳志以上石門縣

布政分司 在青陽街知縣田玉建桐鄉徐志

按察分司 在服德街明正統六年知縣田玉建崇禎年
間改爲南司

國朝改建書院

治農丞廨 明宣德間建於架閣科西

主簿廨 舊在丞廨後遷於縣治外東偏陰陽學址

皂林巡檢司 在皂林鎮運河北岸宋初有皂林寨在石

門縣市南建炎四年移建皂林鎮明宣德五年分屬桐

鄉兼巡石門宏治十三年縣令王昊造廨宇正德九年

移駐青鎮署遂圯

以上桐鄉徐志
以上桐鄉縣

嘉興府志卷七

